

F.VINCENTII MARIAE
D I N E L L I
CATHEDRATICI CASANATENSIS
ORDINIS PRAEDICATORVM
A D
CAROLUM NOCETIUM
SOCIETATIS JESU THEOLOGVM
DE DANIELIS CONCINAE
*In indicandis, describendisque Casuistarum locis
summa fide, ac diligentia*
E P I S T O L A E.



ROMÆ, MDCCLIII.

Apud Hæredes Jo: LAURENTII BARBIELLINI,

SUPERIORVM FACULTATE.

NOS FR. ANTONINUS BREMOND³

*Sac. Theol. Professor, ac totius Ord. FF.
Praed. humilis Mag. Genera-
lis, & Servus.*

HArum serie, Nostrique auctoritate Officii ;
quantum in Nobis est, facultatem conce-
dimus A. R. P Magistro Fr. Vincentio Mariae Di-
nellio Provinciae Nostreae Romanae Cathedratico
Casanatensi typis edendi opus ab ipso elabora-
tum, cui titulus : *Ad Carolum Nocetium Socie-
tatis Jesu Theologum de Danielis Concinae in in-
dicandis, describendisque Casuistarum locis sum-
ma fide, & diligentia Epistolae.* Cummodo a
duobus RR. PP. Nostri Ordinis Sacrae Theolo-
giae Professoribus praelo dignum judicetur, &
serventur cetera de iure servanda. In nomine
Patris &c. In quorum &c. Datum Romae in Con-
ventu Nostro S. M. S. M. die 15. mensis Septemb.
1753.

Fr. Antoninus Bremond
Magister Ordinis.

Reg. pag. 4.

*Fr. Thomas Ignatius Maria Natta
Mag. & Socius.*

APPROBATIONES.

JUSSU Reverendissimi Patris Fr. Antonini Bremond totius Ordinis Praedicatorum Magistri Generalis legimus Librum, cui titulus est: *Fr. Vincentii Mariae Dinellii Cathedratici Casanatensis Ordinis Praedicatorum ad Carolum Nocetium Societatis Jesu Theologum de Danielis Concinae in indicandis, describendisque Casuistarum locis summa fide, & diligentia Epistolae*. In quo cum nihil offenderimus, quod fidei Catholicae, bonisque moribus adversetur, dignum judicavimus, qui typis ederetur. In quorum fidem &c.

Datum Romae in Aedibus S. Mariae supra Minervam die 17. Septembris 1753.

*Fr. Johannes Dominicus Villavecchia
Ord. Praed. Magister, & Socius.*

*Fr. Alexander de Pretis Ord. Praed.
Magister Studentium.*

DE mandato Reverendiss. Patris Josephi Augustini Orsi Sacri Apostolici Palatii Magistri attente legi Librum, cui titulus: *Fr. Vincentii Mariae Dinellii Cathedratici Casanatensis Ord. Praed. ad Carolum Nocetium Societatis Jesu Theologum, de Danielis Concinae in indicandis describendisque Casuistarum locis summa fide, ac diligentia Epistolae*; cumque nihil offenderim, quod fidei, aut bonis moribus contradiceret, quan-

quantum mea interest, typis mandari posse existimo. 5

Datum Romae die 16. Septembris 1753.

D. Gabriel Maria de Blasi Prior Congregationis Casinensis, Sacrae Theologiae Lector, ac Congregationis Sacrorum Rituum Consultor.

J. M. J.

JUSSU Reverendiss. P. Josephi Augustini Orfi Ord. Praed. S. Palatii Apostolici Magistri attente legi librum, cui titulus: *Fr. Vincentii Mariae Dinellii Cathedratici Casanatensis Ordinis Praed. ad Carolum Nocetium Societatis Jesu Theologum de Danielis Concinae in indicandis, describendisque Casuistarum locis summa fide, ac diligentia Epistolae*, in quo nihil reperi, quod cum fide, bonisque moribus repugnet, atque adeo edi posse existimo.

Ex Collegio S. Mariae de Victoria die 16. Septembris 1753.

Fr. Eduardus a S. Xaver. Carmel. Excalc. olim Sac. Theologiae Praelect. nunc vero supremac Generalis Inquisitionis Qualificator.

IMPRIMATUR,

Si videbitur Reverendis. P. Mag. Sacri Palatii
Apost.

F. M. de Ruweis Patriarch. Constant. Vicesg.

IMPRIMATUR,

Fr. Vincentius Elena Reverendis. Patris Magist.
Sac. Pal. Apost. Soc. Ord. Praed.


EPI-

EPISTOLA II.

ARGUMENTUM.

I.



I.  *Git Dinellius in hac epistola de Amico, Arriaga, Azorio, Baulio, & Bussembau. Itaque scribit instituire jam se Nocetii librum ordine confutare, secuturumque se auctorum seriem, non quam Nocetius secutus est, sed qua usus est in libri indice.* II. *Queritur, Concinae de male ab Viva excusato Amico locum non integre fuisse a Nocetio descriptum.* III. *Integrum eum locum affert Dinellius, simulque demonstrat, quae ab Nocetio praetermissa sunt, gravia esse, magnique momenti ad Concinae fidem, Amici autem, & Vivae errores dignoscendos.* IV. *Amici declarationem, ad quam Nocetius confugit, ab Antuerpiensi Operum Amici editione abesse docet.* V. *Refellit, quod Sotuellus scribit, editionem Amici Antuerpiensem ad Sac. Inquisitionis Romanae praescriptum fuisse emendatam.* VI. *Amicum ejusdem declarationis, quae antea in Duacensi editione erat, poenituisse, eamque postea ab Antuerpiensi sustulisse ostendit. Itaque omnem esse culpam Amici, non Concinae, qui sit Antuerpiensi editione usus.* VII. *Quamquam ex declaratione nihil Amico proficiatur, qui consentientes quidem sibi auctores optavit, pravae tamen sententiae omnino adhaesit, scriptoresque duos non magnae auctoritatis Ecclesiae Doctores.*

bus, virisque gravissimis anteposuit. VIII. Quin immo suam Amicus opinionem ab Lovaniensi Academia repudiatam, conquistis summa contentione fautoribus, pugnacissime defendere studuit. IX. Quamobrem omissae declarationis injuria Concina a Nocetio accusari. X. Maxime quod Concina obiter, non data opera, de Vivae excusatione egit. XI. At Dinellius de Dominicanis, quos nominat Nocetius, non se laborare: mirabile autem esse, appellari a Nocetio Dominicanos Auctores, qui cum Amico senserint, cum in declaratione ipse Amicus nullos se habere profiteatur. XII. De Arriaga agens Dinellius queritur, Nocetium, praetermisso La-Croixio, Concinae invidiam conflasse. XIII. Concinae locum adfert, eumque ostendit a Nocetio non integre fuisse descriptum. XIV. Tum illud demonstrat, injuria Concina a Nocetio reprehendi. XV. Quam enim laxam, absurdamque sententiam de conditione poenitentiae Sacramento adjungenda ex La-Croixio attulit Concina, in ea prorsus non La-Croixium modo, sed etiam Boscum fuisse versatum. XVI. Esse autem ineptam Nocetii accusationem de impostura, ubi locus imposturae est nullus: maxime quod La-Croixium praetermiserit. XVII. Primae imposturae similem esse alteram docet, quam Nocetius opponit, eamque refellit. XVIII. Pergit autem & Castropalanum ac Gobatum merito accusatos ab Concina, perperam a Nocetio excusari demonstrat. XIX. Nam inanem omnino laudatae diligentiae excusationem esse, quando ipsu Auctoris doctrina, si probetur, magnam adfert negligentiam. XX. Denique Nocetium hortatur, ut animum ad suos ipse Casuistas emendandos conferat, qui Theologorum au-

cto-

toritate abutuntur, idque confirmat exemplo Ca-
 stropalai. XXI. Ad Azorium pergit Dinellius:
 qua in re demonstrat, Nocetium, sublati e Con-
 cinae loco ceteris auctoribus, paucos reliquisse,
 quos se defendere posse putaret, accusandique oc-
 casionem, non oblatam arripuisse, sed suo sibi in-
 genio composuisse. XXII. Queritur Dinellius
 Concinae vitio dari, quod nemo unquam Salman-
 ticensibus exprobravit: Tum Concinae diligentia
 quanta fuerit in Christiana Theologia scribenda,
 ostendit. XXIII. Monet Nocetium, genus illud
 accusationis de non lectis auctoribus, cum sit jam
 saepe dissolutum, posthac Concinae ne obtrudat.
 XXIV. Agit de Baunio. Hunc ait integre a Con-
 cina fuisse laudatum. Nam quod ait Concina, inve-
 xisse eum opinionem in Theologiam &c. non signi-
 ficare primum omnium fuisse Baunium ejus opinio-
 nis auctorem. XXV. Sed Nocetium, qui Cano-
 nistas Baunio Theologo antiquiores laudet, nihil
 efficere, quo imposturae arguat Concina. Quan-
 quam ne laudatis quidem Theologis effecisset.
 XXVI. Falli autem Nocetium, qui Jesuitas a
 Concina dolo malo citari, praeteriri autem
 Dominicanos queritur, quum Concina hoc eodem
 loco Sotum Dominicanum laxae de Ecclesiasticis
 redditibus opinionis primum fere omnium aucto-
 rem aperte appellet. XXVII. Postremo eam-
 dem opinionem merito dici laxissimam a Concina,
 Dianae auctoritate; Solutum autem ab eodem
 Concina recte esse argumentum ex Pontificum di-
 spensatione petendum, Gregorii X., & Bonifacii
 VIII. PP.MM. testimoniis evincit. XXVIII. Rur-
 sus de Baunio agit; eique nullam a Concina inju-
 riam fieri demonstrat. XXIX. Baunium enim,
 quo loco a Concina est modeste reprehensus, non de
 pro-

promissorio, ut contendit Nocetius, sed omnino de assertorio iuramento locutum videri. XXV. Aliam Nocetii accusationem dissolvit; ostenditque, eidem Baunio jure a Concina vitio esse datum, quod proscriptam de pluribus Missae partibus simul audiendis sententiam ut probabilem jactavit. XXXI. Addit, ceteros Casuistas, quorum fuit proscripta opinio, eodem, quo Baunius, modo, fuisse locutos; eamque opinionem ipsam Baunio a Leandro etiam attribui. XXXII. Pergit ad Eusembaum Dinellius; & Concinae vitio perspicillorum, quod Nocetius dixerat, errasse concedit. XXXIII. Respondet Nocetii querelis de commemorato a Concina Cornelii a Lapide in eadem re errore; quidque inter veterum Patrum, & Casuistarum errata intersit, docet. XXXIV. Tum illud confutat, quod Conciuae exprobravit Nocetius, cognovisse eum de laxa Cornelii opinione ex Henrico a Sancto Ignatio. XXXV. Alias Nocetii querelas de excusatis a Concina Soto, aliisque Dominicanis, qui in eadem, ac Jesuitae, essent causa, persequitur, & refellit. XXXVI. Eusebii Eranistes epistolae nuper editas ut legat, Nocetium Dinellius monet. De Romana vero Veritatis vindicatae editione, eique adiecta confutatione primae Dinellianae epistolae dicturum pollicetur se, cum primum, reliquis scriptis epistolis, instituta perfecerit. Denique pauca de sua hac responsione addit, sinemque secundae hujus epistolae scribendae facit.



FR. VINCENTIUS MARIA
 DINELLIUS
 ORDINIS PRAEDICATORUM
 CAROLO NOCETIO
 SOCIETATIS JESU

S. P. D.



Uod tibi promiseram , me
 de singulis Casuistis , quo-
 rum famam ab Auctore ,
Christianae Theologiae que-
 reris fuisse diminutam , diligenter actum
 , & quae ad eorum quemque perti-
 nent , non ordine , quo abs te vindican-
 tur sed eo , quo in Indice pag. 11. , &
 12. libelli tui numerantur , accurate con-
 fide-

fideraturum, ut liberem fidem meam, id novis ad te litteris facere aggredior.

Nam si quaeras, cur sic agere, neque ordinem accusationis tuae in mea defensione retinere maluerim, illud est primum, quod respondeam: mihi liberum esse, quam velim, & maxime probem, scribendi rationem sequi. Deinde te mihi sequendum non proposuisse, ut omnem confusionem omnino vitarem; neve de eodem Casuista quinquies, aut septies, saepe decies, aut undecies se junctim, & absque ulla rerum colligatione, quemadmodum abs te factum est, sermonem instituerem. Itaque ne plus quam semel esset mihi de unoquoque Casuista differendum, utque rebus ordinem aliquem, conjunctionemque, quam ex se ipsis non habent, conciliarem, quae cujusque sunt Casuistae, una colligere, & uno tempore expendere constitui. Quae res nullam tibi debet afferre suspicionem, quasi nolim, vel nequeam de omnibus, quae Concinae opponis, tibi respondere. Nam sic tibi recipio, me non commissurum, ut queri merito possis, quidquam a me fuisse praetermissum.

Deni.

Denique , si quid forte praeter-
misero , nihil impedit , quo minus
tuis me litteris admoneas , quidpiam
supereffe , de quo velis a me tibi satis-
fieri .

II. Itaque venio ad Amicum , quem
Cap. XXXVI. tui Libelli licet defensor-
rem fuisse non neges propositionis dam-
natae ab Alexandro VII. : *Est licitum*
Religioso , vel Clerico calumniatorem ,
gravia crimina de se , vel de sua Reli-
gione spargere minantem occidere ,
quando alius modus defendendi non suppetit ,
uti suppetere non videtur , si Calumniator
sit paratus vel ipsi Religioso , vel ejus Re-
ligioni publice , & coram gravissimis viris
praedicta impingere , nisi occidatur : illud
tamen ferre non potes , negari a Concina ,
ita Amicum , ut a Viva factum est , posse ex-
cusari . Recita Concinae locum . „ Hanc
„ propositionem docuit P. Franciscus
„ Amicus disp. 36. de Just. n. 118. P. Do-
„ minicus Viva in sua Trutina ad hanc
„ 7. propositionem contendit P. Ami-
„ cum disputationis grãtia propugnasse
„ hanc sententiam . . . At quo nam quae-
„ so principio id asserit P. Viva , cum
„ hoc

De
Amico .

„ hoc non indicet P. Amicus, qui ab-
 „ solute, nullaque declaratione adjecta,
 „ hanc sanguinariam doctrinam in lucem
 „ publicis typis evulgavit? . . . Hinc col-
 „ ligat Lector, quanti facienda sint inter-
 „ pretamenta P. Viva. Probabilistarum
 „ nonnulli laxa commenta evulgant, opi-
 „ niones erroneas typis edunt, quae Le-
 „ ctorum mentes, & animas inquinant.
 „ Cum autem ad Evangelicae doctrinae
 „ Tribunal revocantur, tum clamant, aut
 „ non esse sincere excerptas, aut alio in
 „ sensu, aut disputationis gratia propo-
 „ tas fuisse.

Sed hunc locum ita Tu quidem de-
 scripsisti, ut multa ad rem explicandam
 opportuna praeterires, imprimisque
 Amici verba, ex quibus omnis contro-
 versia definienda est, lectoribus occul-
 tares. Quod eo magis miror, quod
 immemor sententiae Tullianae: *Non
 modo accusator, sed ne objurgator quidem
 ferendus est is, qui quod in altero vitium
 reprehendit, in eo ipse deprehenditur*; hoc
 maxime loco malae fidei in referendis Je-
 suitarum sententiis Concinam accusare
 non vereare.

Nam post ejus locum diminute, ut
 dixi,

dixi, descriptum : „ Si credimus, *inquis* ,
 „ P. Concinae sincerissime Jesuitarum sen-
 „ tentias referenti, P. Amicus non pro-
 „ posuit eam opinionem *disputationis gra-*
 „ *tia* : P. Viva nullo principio id asseruit :
 „ P. Amicus id *non indicat* : P. Amicus
 „ *nulla declaratione adjecta* sanguinariam
 „ doctrinam in lucem edidit „ .

III. Sed recita rursus Concinae locum
 integrum, neque ullis punctis interjectis di-
 minutum. Nam ita fiet, ut quae Concinae in
 referendis Jesuitarum opinionibus sit fides,
 atque integritas, perspicue sane intelligas,
 & cum desinas tot querelis insectari. Hanc
 „ propositionem, *inquit Tom. IV. pag. 310.*
 „ docuit P. Franciscus Amicus disp. XXXVI
 „ de Just. num. 118. P. Dominicus Viva in
 „ sua Trutina in hanc 17. *Prop.* contendit,
 „ P. Amicum *disputationis gratia* propu-
 „ gnasse hanc sententiam, quam attribuit
 „ idem P. Viva Sancio, Navarro, Cara-
 „ mueli, & Sayro. Audistin? *Disputa-*
 „ *tionis gratia* homicidialicita propugn-
 „ tur? Typis eduntur ejusmodi dogmata?
 „ At quo nam, quaeso, principio id as-
 „ serit P. Viva; cum hoc non indicet P.
 „ Amicus, qui absolute, nullaque decla-
 „ ratione adjecta, hanc sanguinariam do-
 „ „ *ctri-*

„ ſtrinam in lucem publicis typis evulga-
„ vit? Si interpretatio P. Viva conſiſte-
„ ret, quiſque promulgans errores, &
„ haereſes excuſare ſe poſſet dicendo, ſe
„ diſputationis gratia eas evulgaſſe. Do-
„ ſtrinam hanc P. Amici primus omnium
„ excogitavit Caiphas, dum dixit: *Ex-*
„ *pedit, ut unus moriatur.* Hoc *expedit* tam
„ amplam continet ſignificationem, ut
„ aptari cuique fere negotio ab improbis
„ poſſit. *Expedit* ut moriatur, qui laxiſ-
„ opinionibus bellum indicit: quia illa-
„ rum Auctoriſus damnum infert, quia
„ ſplendorem alicujus Communitatis ob-
„ ſcurare imperitis videtur. An non *expe-*
„ *dit*, ut Perſona priyata immoletur, ne
„ Communitati infamiae labes adſperga-
„ tur? Caeterum, ut, quam arbitraria, &
„ omnino falſa ſit interpretatio P. Viva,
„ appareat, ob oculos reducamus propoſi-
„ tionem P. Franciſci Amici ſupra tran-
„ ſcriptam: *Negari non poteſt, quin ſaltem*
„ *honorem, famamque illam, quae ex vir-*
„ *tute, & ſapientia naſcitur, quique ve-*
„ *rus honor eſt, juſte defendere Clerici,*
„ *& Religioſi valeant, ac ſaepe debeant,*
„ *cum hic ſit proprius profeſſionis ipſo-*
„ *rum, quem ſi amittant, maximum*
„ *bo-*

„ bonum amittunt. Nam per hunc red-
 „ duntur summopere aestimabiles, & con-
 „ spicui Secularibus, quos sua virtute
 „ dirigere, ac juvare possunt: quo subla-
 „ to, nec illos dirigere, nec juvare po-
 „ terunt. Ergo saltem hunc honorem po-
 „ terunt Clerici cum moderamine incul-
 „ patae tutelae etiam cum morte in vaso-
 „ ris defendere. Quin interdum lege sal-
 „ tem charitatis videntur ad illum defen-
 „ dendum teneri, si ex violatione pro-
 „ priae famae integra Religio infametur.
 „ Haec ne disputationis gratia dicta sunt?
 „ Quid quod Tomus P. Amici, in quo
 „ haec doctrina continetur, damnatus a
 „ a S. Congregatione Indicis est? Hinc
 „ colligat lector, quanti sint facienda in-
 „ terpretamenta P. Viva. Probabilista-
 „ rum nonnulli laxa commenta evul-
 „ gant, opiniones erróneas typis edunt,
 „ quae lectorum mentes, & animas in-
 „ quinant. Cum autem ad evangelicae
 „ doctrinae tribunal revocantur, tum
 „ clamant, aut non esse sincere excer-
 „ ptas, aut alio in sensu, aut disputa-
 „ tionis gratia propositas fuisse. Ha-
 „ ténus ille.

Quae si integre, ut par erat, de-

B scrip-

scripſiſſes, facile lectores intellexiſſent, nullam tibi fuiſſe cauſſam dolendi de Auctore *Chriſtianae Theologiae*; multo autem minus Amicum, & Vivam defendendi, qui ſane ita ſcripſerunt, ut a nemine excuſari poſſint. Nam neque Amicus ita diſſerit, ut eam opinionem *diſputandi cauſſa* proponere videatur; neque ratio ulla erat, cur eum Viva hoc modo excuſari poſſe arbitraretur. Ecquis enim rem novam, & inauditam proponens, ſi timide, & ſolum *cauſſa diſputandi* ageret, hoc initium dicendi caperet: *Negari non poteſt*; & ſine ullis ambagibus, quid ſibi verum videretur, definite pronuntiaret? Quum autem hoc modo diſputet Amicus, ut ex loco ipſius, quem deſcripſi, ſatis intelligitur; a te cauſſam expecto, cur recte a Viva, qui eum *diſputandi gratia* locutum eſſe contendit, putes fuiſſe deſenſum. Ego hujus deſenſionis non aliam cauſſam video, niſi ut Amicum tegetet, ſuaeque *Trutinae* lectoribus perſuaderet, damnatam propoſitionem ex homine Probabiliſta non eſſe proſectam. Nam certe ex Amico nihil protulit, aut proferre potuit, quo eum dubitanter, & in utramque partem diſpu-

ſpu-

sputando de hujusmodi quaestione disse-
ruisse confirmaret .

IV. Hoc est tamen , quod te vehe-
menter offendit , Concinamque propterea
acriter objurgas , quod Amicum in hac
quaestione tractanda assensionem ab eo
genere opinionis cohibuisse negarit .

„ Audiatur ., *inquis* , P. Amicus , qui
„ postquam proposuit momenta ratio-
„ num pro damnata postea illa opinione ,
„ dictum numerum 118. ita concludit .
„ *Verum , quia haec apud alios scripta non*
„ *legi , nolo ita sint dicta , ut communi*
„ *sententiae adversentur : sed solum di-*
„ *sputandi gratia , maturo judicio relicto*
„ *apud prudentem lectorem .*

Haerebam cum legerem hanc Amici
Declarationem : neque primo quid rei es-
set satis intelligebam . Equidem vide-
bam , posse me tibi respondere , satius
esse Theologos ejusmodi quaestiones om-
nino relinquere , quam post traditum ,
argumentisque confirmatum errorem , pe-
dem tantisper referre , idque in animo
habuisse se dicere , ut de his rebus dispu-
tarent : alioquin fore , ut qui haereses
disseminaret , & Christum e. g. Deum ,
vel hominem esse negaret , posset isto mo-

do facinus excusare, & ea scripſiſſe ſe dicere *diſputandi cauſſa*: hiſque rebus Concinam inductum praeteriſſe, quam proſers, Amici *Declarationem*. Haec, inquam, tibi reſpondere me poſſe videbam. Sed hiſ contentus non eram, nolebamque, Amicum, ſi quid eſſet ejus *Declaratio*, quod cum tegere poſſet, hac deſenſione privari. Quare jam incipiebam nonnullius negligentiae Concinam accuſare: neque tamen ferebam iniquo animo in eum me locum adductum, ut qua fide agerem, tibi demonſtrarem. Sed haec mihi cogitanti in mentem venit *Retraſtationis Tamburini*. Quid, inquam, malum! Hae Caſuiſtarum *Declarationes*, & quaſi clanculum eorum operibus agglutinatae *Retraſtationes* omnia perturbant. Adeo igitur ſtatim Alegambium quaeritum de Amico. Sed unde lucem accipere me aliquam putabam, majores mihi tenebrae ſunt offuſae. Niſhil enim aliud legi pag. 311. Bibliothecae edit. Rom. ab Sotuello, qui eam auxit, an. 1676. curatae, quam fuiſſe hoc volumen Amici anno 1650. editum Antverpiae; atque ad praecſcriptum Sac. Inquiſit. Congregationis emendatum. Naſtus hanc editionem in Bibliotheca

Ca-

Casanatensi avide arripio, lectoque Amici loco, nullam reperio *Declarationem*. Quid, inquam, hoc est? Si fuit hoc volumen Amici, cum Antverpiae ederetur, emendatum, qui demum hinc abest *Declaratio*? Ac si hinc abest, unde eam sumpsit Nocetius? Redeo ad Alegambium diligentius perspecturus, an aliam hujus voluminis indicaret editionem: sed unam Antuerpiensem invenio, praeterea nullam. Tum vero quid agerem, nesciebam. Et si enim valde me exhilararet haec editio, propterea quod Concinae fidem in tuto positam videbam; valde tamen sollicitus eram de tua, neque reperiebam, quid tibi de illa *Declaratione* responderem. Durum erat, non dico exprobrare, sed ne suspicari quidem, te illam confinxisse; sed unde accepisses, divinare non poteram. At enim Alegambius de cuso Antverpiae, emendatoque volumine Amici cum loquitur, non obscure significat, fuisse illud idem prius alibi, vel etiam Antverpiae typis editum; sed causam ignorabam, quamobrem is priorem aliam, si qua fuit, editionem omisisset. Itaque etsi aegre ferebam, quidquam occurrere, quod celerem scribendi cursum retardaret,

ret, huic tamen rei praevertendum putavi, ut omnia cognoscerem, quae ad hanc *Declarationem* pertinerent. Neque vero poenituit me diligentiae meae. Nam inquirendo perspexi, te, dum erratorum Concinae numerum augeres, saepe veritum non esse ea proferre, quibus te ipsum conficeres, & eos, quos defendis, magis obtereres.

V. Itaque illud primum cognovi, minus recte Sotuellum scribere pag. 211. Bibliothecae V. Franciscus Amicus: „ 5. *de justitia, & jure* Antuerpiae apud „ Guilhelmum Lestercicum 1650. in Folio. Correctus hic Liber est juxta decretum Sac: Congregationis Inquisitionis Romanae „. Editum enim prius fuerat hoc Volumen Duaci anno 1642. quod discere poterat ex ipso Alegambe in Supplem. post Append. pag. 582. Bibliothecae Script. Societ. Jesu edit. Antwerp. Ann. 1643. „ Franciscus Amicus, de „ quo in Catalogo, edidit *cursum Theologicum* Tomis VIII. Duaci typis Belle- „ ri 1642. in fol.

Multo illud minus probari potest, quod ait Sotuellus: correctum Volumen Amici *de justitia, & jure* edit. Antwerp. esse
ad

ad praescriptum Congregationis : nam multa continet hoc Volumen , quae Indici Congregatio (haec enim causam Amici cognovit , non Romana Inquisitio) rejecit , expungique mandavit . Quod palam ut fiat , omnesque intelligant , qua ratione correctum dici possit , Congregationis praescriptum , & Amici locum describere necesse est .

Recita Congregationis praescriptum .

„ D E C R E T U M

„ Sacrae Congregationis Indicis

Fer. 3. die 6. Julii 1655.

„ In Sacra , & Generali Congregatione
 „ ne Indicis Romae habita in Palatio
 „ Apostolico Quirinali coram Eminentissimis , ac Reverendissimis DD. Sacrae
 „ Romanae Ecclesiae Cardinalibus ad Indicem librorum eorundem permissio-
 „ nem , prohibitionem , expurgationem ,
 „ & impressionem in universa Republica
 „ Christiana a Sancta Sede Apostolica de-
 „ putatis .

„ Eminentissimi , ac Reverendissimi
 „ DD. Correctioni Quinti Tomi Cursus
 „ Theologici P. Francisci Amici Societa-
 „ tis Jesu ultimam manum imponere vo-
 „ lentes , auditis Relatoribus , jusserunt
 „ expungi ultimam partem sectionis se-
 „ ptimae disputationis tricesimae sextae ,
 „ ubi agitur de damno injuste illato in
 „ bona corporis , ejusque compensatio-
 „ ne, idest, aut auferri in novis impres-
 „ sionibus , aut obliterari in impressis to-
 „ tum illud , quod continetur intra li-
 „ neas , illam , *ceterum etsi verum sit*
 „ *nullum dedecus esse* , atque illam , *ma-*
 „ *turo judicio relicto penes prudentem le-*
 „ *ctorem* : Sicque correctum , atque
 „ emendatum iidem Eminentissimi , ac
 „ Reverendissimi DD. servatis alias ser-
 „ vandis iterum imprimi , ac evulgari
 „ permiserunt : impressos vero , ac evul-
 „ gatos ita obliteratos licite , ac libere
 „ retineri , & legi posse declararunt . Da-
 „ tum Romae loco, & tempore supradictis.
 „ Fr. Hyacinthus Libellus Ord.
 „ Praed S. Congreg. Secret.
 „ Loco ✕ Sigilli .
 „ Romae ex Typographia Rev. Came-
 „ rae Apostolicae 1655.
 „ Re-

Recita locum Amici , qui duabus illis lineis , quas indicat Decretum Congregationis , continetur .

„ *Ceterum etsi verum sit nullum de-*
 „ *decus esse Religioso , aut Clerico , si*
 „ *non armis , sed fuga propriam vitam*
 „ *contra invasorem tueatur ; cum prohi-*
 „ *bitum sit Religiosis , & Clericis arma*
 „ *tractare : Can. de his Clericis distinct. 5.*
 „ *& alibi , ac proinde ipsorum honor*
 „ *etiam apud mundanos non consistat in*
 „ *valore , & dexteritate armis se contra*
 „ *hostem tuendi , sed potius in cultu Re-*
 „ *ligionis , reliquarumque Christiana-*
 „ *rum virtutum exercitio : negari tamen*
 „ *non potest (hinc ordiuntur Parochi Pa-*
 „ *risienses hunc locum describere , ex iis*
 „ *enim accepi) quin saltem honorem ,*
 „ *famamque illam , quae ex virtute , &*
 „ *sapientia nascitur , quique verus ho-*
 „ *nor est , iuste defendere Clerici , ac Re-*
 „ *ligiosi valeant , ac saepe debeant , cum*
 „ *hic sit proprius professionis ipsorum ,*
 „ *quem si amittant , maximum bonum ,*
 „ *ac decus amittunt . Nam per hunc red-*
 „ *duntur summopere aestimabiles , &*
 „ *conspicui Secularibus , quos sua vir-*
 „ *tute , ac sapientia dirigere , & juvare*
 „ *pos-*

„ possunt : quo sublato nec illos dirigere ,
 „ nec juvare poterunt . Ergo saltem
 „ hunc honorem poterunt Clerici , ac Re-
 „ ligiosi cum moderamine inculpatæ tu-
 „ telæ , *etiam cum morte Invasoris* de-
 „ fendere ; quin interdum lege saltem cha-
 „ ritatis videntur ad illum defenden-
 „ dum teneri , si ex violatione propriæ
 „ famæ integra Religio infametur . (*Ha-*
 „ *tenus in editione Antuerpiensi . In*
 „ *editione Duacensi nihil amplius dicebat ;*
 „ *sed id , quod ex proposita doctrina conse-*
 „ *quitur , uberius exponebat hoc modo*)
 „ Unde licebit Clerico , vel Religioso
 „ calumniatorem gravia crimina de se ,
 „ vel de sua Religione spargere minan-
 „ tem occidere , quando alius defenden-
 „ di modus non suppetat , uti suppetere
 „ non videtur , si calumniator sit paratus
 „ ea vel ipsi Religioso , vel ejus Reli-
 „ gioni publice , ac coram gravissimis
 „ viris impingere nisi occidatur . Nam si
 „ in tali casu licitum est Religioso , ne
 „ ipse occidatur , invasorem prius occi-
 „ dere , si fuga non possit , quia nimirum
 „ hostem ante se habet , mortem evade-
 „ re , licitum quoque eidem erit ad vi-
 „ tandam gravissimam sui , suæque Reli-
 „ gio-

„ gionis infamiam, si alius modus non
 „ suppetat, calumniatorem occidere.
 „ Nam quo jure licitum est Seculari in
 „ tali casu calumniatorem occidere, eo-
 „ dem jure.licitum videtur Clerico, ac
 „ Religioso, cum in hoc Religiosus, ac
 „ Secularis sint omnino pares; cum
 „ non minus jus in talem honorem ha-
 „ beat Clericus, & Religiosus, quam
 „ Secularis in suum: imo majus quan-
 „ to major est professio sapientiae, & vir-
 „ tutis, ex qua hic honor Clerico, &
 „ Religioso progignitur, quam sit valor, &
 „ dexteritas armorum, ex qua honor Se-
 „ culari nascitur. Adde quod, ut se-
 „ quenti sectione probabitur, licitum
 „ est Clericis, & Religiosis in tute-
 „ lam suarum facultatum furem occide-
 „ re, si alius modus eas defendendi non
 „ supersit: ergo multo magis id licitum
 „ videtur in tutelam famae, & honoris
 „ ex virtute, & sapientia consurgentis.
 „ Verum quoniam haec apud alios scri-
 „ pta non legimus, nolumus ita a nobis
 „ dicta sint, ut communi sententiae ad-
 „ versentur, sed solum disputandi gratia
 „ proposita, *maturo judicio relicto penes*
 „ *prudentem lectorem.*

Ita-

Itaque cum in volumine Amici edit. Antuerpiensis, quae anno 1650. curata est, multa, ut liquet, contineantur eorum, quae Sacra Congregatio expungi mandavit, eaque sint propositionis Amici pars praecipua, perspicere te puto, Noceti, non fuisse Sotuello scribendum, volumen illud emendatum ad praescriptum Congregationis esse; cum decretum Congregationis quinquennio post publicatum fuerit, sed emendari ad idem praescriptum oportere: hoc est, legi retinereque posse, modo verba illa pag. 412. *ceterum etsi verum sit nullum dedecus esse*, quaeque sequuntur omnia, ut Congregatio praecepit, prorsus oblitterentur. Nam si respondes, Sotuellum id ipsum, quod modo dictum a me est, significare voluisse; eosque debere ad praescriptum Congregationis verba illa expungere, in quorum Bibliothecis sunt opera Amici, vereor ne magnopere implicere; causamque afferre non possis, quare Sotuellus, omitta editione Duacensi, quam non omisit Alegambe, unam memoret Antverpiensem, & hanc unam correctam fuisse moneat ad praescriptum Congregationis. Nam si ex volumine Amici *de Just. & Jure* verba obli-

obliterentur , quae Congregatio jussit expungi , non minus sane illud editionis Antverpiensis , quam alterum editionis Duacensis dici potest ad praescriptum Congregationis fuisse emendatum . Ceterum ex eo modo scribendi : *correctus hic liber est juxta decretum Sacrae Congregationis Inquisitionis Romanae* ; id intelligitur , nihil in eo contineri , quod Congregatio improbarit ; nec potest cuiquam in mentem venire , id esse intelligendum , eundem legi ac retineri , si quaedam oblitterentur , posse : praesertim quod licet editionem Antuerpiensem an. 1650. curatam , & decretum correctionis an. 1655. publicatum fuisse constet ; verbis tamen Sotueli post publicatum decretum editionem illam curatam esse significatur .

Quod quia Indicis Congregationi injuriosum , lectoribusque periculosum est , propterea quod facile sibi , lecto Sotuello , persuadere possunt , hanc Amici propositionem , quae in editione Antuerpiensi continetur , falsam non esse , neque rejectam a S. Congregatione fuisse , deesse mihi non potui , quin Congregationis decretum proferrem , ostenderemque lectoribus quemadmodum oporteat

ex

ex eo Amici volumen emendari.

VI. Redeo nunc ad ipsam Amici declarationem, ut ostendam, quam immerito doleas, fuisse a Concina praetermissam. Liquet enim ex dictis, Duaci primum an. 1642. editum hoc volumen Amici de *Iust. & Jur.* fuisse; & tum Amicum, cum nullum Theologum, quem in subsidium vocaret, invenisset, errori suo illam *Declarationem* adjunxisse. Post autem, cum eo temporis spatio, quod ab hac Duacensi ad Antverpiensem suorum operum editionem intercessit, multum in hac doctrina profecisset, & Casuistam unum, & alterum, quem sequeretur, invenisset, *Declarationem* illam abjecisse, suamque sententiam non amplius *disputandi causa*, sed ita, ut, quin vera esset, minime dubitaret, proposuisse. Et tu doles, Noceti, Concinaeque confidenter exprobras, quod is, quam Amicus sustulit, nec amplius sibi necessariam judicavit, non protulerit *Declarationem*? Quum nihil aliud praedices, quam nimis eum fuisse Probabilistis infensum, quo nunc tandem modo iisdem tam amicum esse oportebat, ut, ipsis invitis, eorum proferret *Declarationes*; et quos illi non
solum

solum non occultassent, sed etiam libere, palamque defendissent, tegeter errores? Et sane si abesset a Duacensi, extaret autem in Antverpiensi editione Amici *Declaratio*, viderere non inepte Concinam reprehendisse, quod eam praeterierit; sed cum solum in priore, non item in posteriore reperiatur, non video, qui non tibi ab omni accusatione temperaveris. Nam si Concina tibi responderet, usum esse se editione Antverpiensi (qua de re, quod minus haec editio rara sit, & hanc unam, ut dixi, memoret Alegambe, dubitare non debes) & ex ea, quae mens Amici in hac opinione fuisset, collegisse; nihil tibi superesset, quo eum malitiosae praeteritionis argueres. Praeter enim quam quod recte ex iis editionibus, quae sunt omnium postremae, & vivis auctoribus curatae, eorumdem sententia cognoscitur; si quid hic ab eo peccatum esset, omnis culpa in Amicum, qui ex Antverpiensi editione suam sustulit *Declarationem*; non in Concinam, qui eam ibi non invenit, esset conferenda.

VII. Sed age: illud etiam tibi, quod sane non possum, dare volo, vel usum esse Concinam Duacensi editione, vel
ex-

extitisse non solum in Duacensi , sed etiam in Antuerpiensi *Amici Declarationem* . Num possum agere tecum liberalius ? At nihilo plus proficies , quam si abesset ab utraque . Noli putare , Noceti , tam hebeti Concinam fuisse ingenio , ut quid rei esset ista *Declaratio* non agnosceret , eamque ad Amicum excusandum quidquam valere existimaret . Nam quid demum declarat Amicus ? An ambigere se de veritate propositionis , aut ejus foeditate , tantisper commoveri , quae duo conducunt ad cohibendam assensionem ? Nihil minus . Id declarat , auctorem se unum , & alterum , quem sequeretur , non habere : nihil cunctaturum , ut fecit , simul ac inveniret , illam *Declarationem* abijcere . Et sane , ut dixi , ita fecit ; nam ubi Petrum Navarram , & Sayrum sibi consentientes invenit , suam opinionem in Antuerpiensi editione , missis ambagibus , defendit . Hoc est , Noceti , quaestionem *disputandi causa* tractare , & abs re inani cohibere assensionem ? Scilicet , inquires . Nam judicium de sua sententia lectori relinquit : *mature* , inquit , *judicio relicto apud prudentem lectorem* . Nae illa erat magna quaestio , quae maturum judicium ,
& pru-

& prudentem lectorem exposceret . Sed age : quod quaerit ille maturum iudicium?quem prudentem lectorem appellat ? Illi duo non magnae auctoritatis, quos nominavi, satis illi fuerunt , ut reliquos omnes nihili penderet , quasi plus maturi iudicii in duobus illis Casuistis, quam in omnibus majorum gentium Theologis , & Ecclesiae Doctoribus fuisset .

Si autem de iis , qui viverent , loquamur , quotus quisque fuit prudens Theologus , qui Amico non repugnaret ? Num prudentia major , maturiusque iudicium in uno Caramuele ex. gr.,qui Amico assensus est , quam in omnibus Academiae Lovaniensis Theologis , qui constanter repugnarunt , reperiebatur , ut his praeferret Amicus illum inanem Casuistam ? Non sic agit , mihi crede , Noceti , qui veritatem amat , qui sua ita proponit , ut vere assensionem cohibeat ; & si , quod res est , dicere volumus , non alia re magis , quam ista *declaratione* cognoscitur , Amicum abuti iudicio lectorum ; ad eamque sententiam , etsi verbis negat , re tamen ipsa tamquam ad saxum adhaesisse .

VIII. Sed quamvis nihil esset vitii in hac *Declaratione*, recteque se ab inani sententia assensionem cohibere Amicus exponeret; cave existimes fuisse illi a Concina fidem adhibendam.

Non erat is earum rerum, quae in hac controversia contigerunt, adeo imperitus, ut simul ac in eam *declarationem* incidisset, non alia multa haberet in promptu, ex quibus intelligeret, Amicum opinionem suam pugnacissime defendisse, & nihil minus, quam assensionem, in ea proponenda sustinere voluisse. Illud erat primum, idemque gravissimum, quod licet Academia Lovaniensis, petente, ut docent *scripta Parochorum Parisiensium*, Consilio Brabantiae, illam opinionem cum falsam, tum hominum societati perniciosam declarasset, nihilo secius in sententia mansisset, & quibusdam amputatis, partem ejus deterrimam in Antuerpiensi editione retinuisse. Erat alterum, quod ubi se oppugnari vidit, fautores, qui sibi praesidio essent, unde unde conquisisset, & Zergolium Jesuitam Graeciensem extimulasset, ut epistolas ad Casuistas daret, ex quibus eorum hac de re sententias eliceret. Nam dedit Zergolius litteras anno

1649.

1649. ad Caramuelem, in quibus erat hoc modo: „ rogavit is (*Amicus*) me, ut „ ad viros, quos scirem in hac disciplina „ celebres, recurrerem, eorumque judi- „ cia de ea conquirerem „. Caramuel autem, ut erat magnus Probabilista, cum sponte sua, tum magnis Zergolii laudibus incitatus non dubitavit paratissimum ad eam rem se se praebere, dataque ad Zergolium epistola, Amici probare, argumentisque confirmare sententiam. Nec defuere, teste eodem Caramuele in *Theologia fundamentalis Tom. I. fundam. LV. pag. 543. & seq.* edit. Francford. 1652., alii magno numero Casuistae, qui contra Academiam Lovaniensem Amico suffragarentur. Extant Zergolii ad Caramuelem, & Caramuelis ad Zergolium hac de re epistolae, quas tamen opus non est hoc loco describere: cum facile possis eas legere apud Caramuelem loco cit. *Theolog. Fundam.*

IX. Nunc te, Noceti, opus est. disferro, atque eloquente. Nam si persuadere cuiquam poteris, eum, qui tot rumores, tot turbas, & bella in Republica, litteratorum excitavit, ne suam cogeretur deferere opinionem, nihilominus eam

nonnisi disputandi caussa proposuisse : quominus Concinam damnes , & de reportata victoria tibi plaudas , non recuso . Sed difficile tibi erit rem tantam ulla oratione perficere . Nam incredibile dictu est , hæsitare in defendenda sententia Theologum , qui etsi videat eam doctorum hominum , Academiæque judiciis acriter oppugnari , non solum haud desinit ipse tueri , sed hoc etiam perficere nititur , ut eadem a quamplurimis defendatur . Itaque vide , quam sit a ratione alienum , ne dicam inane , hanc *declarationem* obijcere , & putare Concinam , his rebus spectatis , non potuisse intelligere , eam non ex animo , qui revera sustineret assensionem , sed ex eo , qui novitatis invidiam fugere vellet , esse profectam ; proindeque , vel ab se omnino omittendam ; vel , nisi omisisset , cetera omnia , quæ ad ejus historiam , ipsiusque Amici pro sua opinione tuenda , contentiones pertinerent , omnino proferenda .

X. Sed ut nihil de turbis diceret , nihil de Caramuele , ceterisque Amici fautoribus loqueretur , non potuisset sibi deesse , quin ipsam rationem novas opiniones in morum Theologiam introducendi vehem-

vehementer improbare. Quamvis enim, ut Vivae excusationem refelleret, illud prudenter animadvertit, ne *disputandi causa* quidem licere Theologo has quaestiones proponere; rem tamen egit obiter, & quantum satis erat, ut Vivae excusationem inanem esse demonstraret. Nam si operosius controversiam explicasset, & Amici declarationem protulisset, multo majorem ex ea, & praesertim ex quodam Lessii documento de Just. lib. 2. cap. 22. dub. 10. numer. 56. edit. Lugd. 1630., quod Amicum in hac opinione, proponenda constat esse sequutum: *Sic loqui solemus ad declinandam invidiam quando aliquid novi, & receptae opinioni adversum ex nostra sententia proferimus*, habuisset dicendi copiam. Sed tum eum non imposturae ob praeteritam Amici declarationem, sed nimiae loquacitatis ob eam ipsam non praetermissam haud dubie accusavissetis. Sic est: quia hanc declarationem praeteriit, imposturae reum esse dicitis; nisi praeteriisset, Declamatorem esse diceretis. Ita is sive loquitur, sive tacitus quid omittit, graviter offendit. Quid facto esset opus? Ut omnino taceret? Hoc nimium est. Decet enim eum,

qui ingenio valet , qui peritus est Theologiae , qui Divi Thomae Discipulus , contra externos , contraque suos pro veritate pugnare .

XI. Extremum est , ut de Dominicanis , quos hoc loco cum Amico conjungis , pauca dicam . Non est hic locus , ut dixi , eos defendendi . Unum quaero , qui potueris ullos in Amici subsidium appellare ; quando is in sua *declaratione* fateatur , nullum se habuisse , quem sequeretur , hujus opinionis Auctorem ? „ Verum , quia haec apud alios scripta non „ legi , nolo ita sint dicta , ut communi „ sententiae adversentur , sed solum di- „ sputandi gratia , maturo judicio relicto „ apud prudentem lectorem . „ Si haec Amicus apud alios , atque adeo apud Dominicanos non legit , qui tu demum legere potuisti ? Si postea idem Amicus , cum Auctores , quos sequeretur , operose inquisisset , non alios , nisi Petrum Navarram , & Sayrum , qui sibi consentientes essent , ut ex epistola Caramuelis constat , potuit invenire , qui tu demum tot Dominicanos invenire potuisti ? Dicam quod resest. Quum taederet vehementer , te non posse tegere Amicum tam foedae opinionis

nionis defenforem alicujus Dominicani Auctoritate, usus es artificio, pluresque Dominicanorum ejusmodi sententias, quae verborum similitudine fucum facerent imperitis, coacervasti, ut hi saltem nihil ab Amico, quod a Dominicanis non accepisset, scriptum esse existimarent. Sed scribito, ut lubet, de Dominicanis. Mihi satis est bonam Concinae fidem in exponenda Amici sententia; & Vivae excusatione refellenda tam aperte demonstrasse, ut omnes intelligant, esse tibi illa tua omnino corrigenda. „ Habuit „ ne P. Viva aliquod principium id asse- „ rendi? Indicat ne hoc P. Amicus? „ Evulgavit ne typis sanguinariam do- „ ctrinam, nulla declaratione adjecta? „ Tam intrepidae imposturae fieri ne pos- „ sunt evidentiores? Hinc colligat le- „ ctor, quanti faciendae sint assertiones „ P. Concinae. „ Confer jam, Noceti, cum iis, quae dixi, has tuas interroga- tiones (puto enim ad singulas me satis respondisse) & quam sint inanes cognos- cito.

XII. Venio nunc ad Arriagam, qui- *De*
cum Cap. LXXVIII. Castropalaum, Go- *Arriaga.*
batum, & Moyam conjungis; de quibus

a me quoque una differetur , ne sit iterum is mihi , cum ad eos venero , explicandus locus . Sed hoc praedico , minime omnium eum abs te fuisse praetermittendum , ex quo Concina *Tom. 8. Theolog. Christ. pag. 88.* omnia sumpsit , quorum causa doles , & valde acrem in eum instituis orationem . Cur enim non defendisti La-Croixium ? Nam cum tam operose pro Arriaga , Gobato , Moya , Castropalao , aliisque pugnaris , ut quatuor in uno Concinae loco imposturas offenderes , tum ne vel unam quidem pro La-Croixio invenire potuisti . Quid autem ? Annon hunc Concina nominatim refellit ? Nonne ejus locum summatim describit ? Sed erat e re tua hunc , ceteris prolatis , praeterire , ne palam fieret , recte eum refelli a Concina , & si quid in ceteris , qui a La-Croixio nominantur , refellendis errasset , statim appareret lectori , in eum , & non in La-Croixium oportere culpam conferre . Differitur igitur ab La-Croixio *Tom. 5. Theolog. Mor. lib. 6. part. 1. de Sacram. nu. 81. edit. Colon. 1710.* de casibus , in quibus licere putant Casuistae Sacramentum aliquod , imprimis poenitentiae , adhibita conditione ,

tione , conficere . Tum num. 83. quem-
 admodum hanc conditionem addi oport-
 teat, exponens , varias eorundem memo-
 rat opiniones . Nam alios,eam verbis ex-
 primi oportere , alios satis esse in mente
 retineri , alios , cum in mente retinetur ,
 ita concipi posse : *Volo omnes , & solos*
absolvere , qui erunt legitime dispositi ,
docere demonstrat . Sed ita opiniones Ca-
 suisitarum profert , ut confundat vera
 cum falsis , & quo quisque de casu loqua-
 tur , ut par erat , non ostendat . Quare
 descripto opus est La-Croixii loco , ut
 rem perspicue exponamus . Is igitur loco
 cit.num.83. „ Quando conditio , *inquit* ,
 „ apponi debet , Caramuel putat , ore
 „ exprimendum esse , & omnino consul-
 „ tius est . Hinc Haun. num. 711. di-
 „ cit , regulariter loquendo fore pecca-
 „ tum si mente retineatur. E contra J. San-
 „ chez , Castropal. Arriag. de Poenitent.
 „ d. 31. num. 39. Gorm. num. 220. Go-
 „ bat tract. 7. nu. 271. absolute dicunt ,
 „ non opus esse ore exprimere . Quod
 „ Escobar lib. 15. num. 230. dicit esse
 „ certum ; & in eo convenire Doctores ,
 „ dicit Moya T. 1. t. 3. d. 6. quaest. 4.
 „ num. 42. Addit Gobat num. 272. ne
 „ qui-

„ quidem opus esse habere explicite , &
„ formaliter in mente , sed sufficere , si
„ implicite , & virtualiter , qualiter ha-
„ bet , qui voluit audire confessiones se-
„ cundum institutionem Christi , vel in-
„ tentionem Ecclesiae . Hinc notat Bo-
„ sco d. 7. §. 3. num. 135. aliquos puta-
„ re , quod satis sit antea sic formare in-
„ tentionem : *Volo omnes , & solos ab-*
„ *solvere , qui erunt legitime dispositi .*
„ Hinc Moya etiam dicit , se non dam-
„ naturum de mortali illum , qui ne qui-
„ dem mente expresse conciperet condi-
„ tionem , quia certum est , semper adef-
„ se conditionem implicitam , quum ne-
„ mo intendat conferre Sacramentum , nisi
„ prout potest , & debet . Quidquid sit
„ de hoc , Con. Lefs. Bardi. Dicastill.
„ de Baptism. d. 1. num. 183. Schild.
„ de conf. t. 6. cap. 1. num. 4 Ber-
„ nal. num. 71. aliique communiter
„ absolute dicunt , non esse de valore ,
„ ut conditio ore exprimatur , sed per
„ conditionem in mente retentam suffi-
„ cienter restringi verba , cum operari
„ non possint ultra intentionem loquen-
„ tis . Unde si v. g. praevideretur offen-
„ sio suscipientis Sacramentum , si con-
„ di-

„ ditio ore exprimeretur , satis esset men-
 „ te retinere .

XIII. Ita de re gravissima , qualis est conditionis adjunctio formis Sacramentorum , imprimisque formae Sacramenti poenitentiae , contra quam ferat vetus Ecclesiae disciplina, differit hic Probabilista ; qui missis Patribus , Conciliis , & gravioribus quibusque Theologis , Casuistarum dumtaxat profert opiniones , quin ullam sane rejiciat , ne illam quidem sumptam ex Bosco : *Volo omnes , & solos absolvere , qui erunt legitime dispositi .* Atque haec est doctrina , quam auctor *Theologiae Christianae* loc. cit. acriter improbavit . „ P. La-Croix lib. VI. part. 1.
 „ num. 81. , & seq. plures agglomerat
 „ casus de adjectione conditionis . Si
 „ conditio sit de futuro , ut *te absolvo si*
 „ *cras sol orietur ; si Antichristus sedu-*
 „ *cet multos ; si Deus cognoscit quod cras*
 „ *restitues .* Et subdit multos Doctores
 „ sentire cum Dicastillo , & Esparza ,
 „ aliisque , condiciones istas esse de prae-
 „ senti . Sed sunt ista supra quam dici
 „ potest , vana , & inania (his tu prae-
 „ termisissis , ex quibus Concina La-Croi-
 „ xium summatim describere , eumque im-
 pri-

primis refellere cognoscitur, ex iis, quae
 sequuntur, initium fecisti hujus loci de-
 scribendi). Disputant quoque, num adje-
 „ cta conditio exprimi ore, an sola men-
 „ te concipi debeat. Castropalaus, Joan-
 „ nes Sanchez, Arriaga, Gobat, Escobar
 „ contendunt, sat esse eam mente conci-
 „ pi: *Volo omnes, & solos absolvere, qui*
 „ *erunt legitime dispositi*. Ultra pergit
 „ Moya, ut refert idem La-Croix, do-
 „ cetque, se non damnaturum mortalis
 „ culpae illos, qui ne mente quidem ex-
 „ presse conciperent conditionem impli-
 „ citam, quum nemo intendat conferre
 „ Sacramentum, nisi prout potest, &
 „ debet. Haec, & plura alia de more P.
 „ La-Croix arbitrio lectoris relinquit.
 „ Hinc juxta relatam doctrinam omnibus
 „ accedentibus ad Tribunal poenitentiae
 „ dispensare ministri thesaurum absolu-
 „ tionis poterunt, ut dispositi illam per-
 „ cipiant, secus indispositi. Hoc condi-
 „ tionis implicitae arcano confessorii a
 „ molestia severe examinandi dispositio-
 „ nem poenitentium sese liberant, & nu-
 „ merosissimam populorum frequentiam
 „ sibi conciliant. Omnes se absolutos
 „ existimant, quum ignorent secretum
 „ con-

„ conditionis implicitae . Quam sit haec
 „ doctrina & pernicioſa poenitentibus ,
 „ & chriſtianae diſciplinæ infeſta , quiſ-
 „ que intelligit . Infra de Poenitentia ſe-
 „ verius diſcutietur „ .

XIV. Haec tibi oratio plena videtur
 irriſionis , & impoſturarum , quas Popu-
 lo Chriſtiano diligenter exponis . „ Pri-
 „ ma impoſtura , *inquis* , vel ſaltem defe-
 „ ctus bonae fidei in eo eſt , quod aperte
 „ non exponat caſum , pro quo ſolum lau-
 „ dati Doctores tradunt illas doctrinas
 „ de conditione abſolutioni apponenda .
 Ex hoc uno , quod multis modis ſaepe
 verſas , quatuor efficiis impoſturas , quare
 nihil erit cauſae , cur eo confutato de
 ſingulis reſpondeam . Ad rem quod atti-
 net , ſi opus erat , caſum , de quo quiſque
 loquitur , exponere , cur La-Croixius
 non expoſuit ? Cur eum non arguis impo-
 ſturae ? Ille tibi primum caſtigandus erat ,
 qui de modo adiſciendae conditionis va-
 rias Caſuiſtarum referens opiniones tam
 implicate ſcripſit , ut non ſolum , quo
 quiſque de caſu loqueretur aperte , ut par
 erat , non indicarit , ſed etiam omnes
 idem ſentire , aut ſane parum inter ſe diſ-
 ferre demonſtrarit . Nam Concinae ſatis
 fuit,

fuit, quod ille afferret, paucis describere. Sed La-Croixio, inquires, venia dari potest, propterea quod necesse non erat, ut casus distingueret, & suum cuique Casuistae adsignaret is, qui universos probabat. At Concinae, qui non omnes legitimos judicabat, qui etiam reprehendebat, de quo quisque Casuista loqueretur, perspicendum erat. Ita videlicet se res habet: qui Casuistas errantes sequitur, etsi vehementer erret, etsi saepe falso eorum loca describat, numquam male audit; quirefellit, is, cum eos ita, ut eorum sententia postulat, describit, calumniator est, is impostoribus adnumeratur. Ad rem quod attinet. Quorsum Concina, postquam, quaestionem: *Validum ne sit Sacramentum forma conditionali administratum*, quantum satis erat, explicasset; singulorum Casuistarum opiniones investigaret, & quos quisque casus excogitasset adhibendae conditionis, scrupulose numeraret? Nihil ad eum haec res pertinebat: quare satis illi fuit breviter eas exponere, quae descriptae erant ab La-Croixio, idque paucis improbare, quod non erat obscurum, neque ambiguum, omniumque deterrimum visum est: *volo omnes, & solos*

solos absolvere, qui erunt legitime dispositi. Nonne hanc rationem adhibendae conditionis proponit, neque tamen improbat, ut oportebat, La-Croixius? Quid ergo Concina peccavit, si tam laxam, quod negare non potes, opinionem gravi oratione confutavit?

XV. Peccat, inquis pag. 199., in eo, quod rem ita exponat, ut significet illos Casuistas, Loqui de omni casu, quo quis audiat confessiones, vel ad eas audiendas se accingat. Innuit enim, ex eorum doctrina sat esse, ut qui se exponit audiendis confessionibus mente concipiat hanc intentionem: *volo omnes, & solos absolvere, qui erunt legitime dispositi*. Huic est simile quod ais pag. 202. Neminem eorum talem doctrinam tradere, juxta quam omnibus accedentibus ad Tribunal poenitentiae dispensari possit absolutio, ut dispositi illam percipiant, secus indispoti. Quid? La-Croixius, de hoc enim sermo habendus est, nonne loquitur de hoc casu, quo quis audiat confessiones, vel ad eas audiendas se accingat? Talemne La-Croixius non tradit doctrinam, juxta quam omnibus accedentibus ad Tribunal poe-

poenitentiae dispensari possit absolutio, ut dispositi illam percipiant, secus indispositi? Age Noceti, permitto tibi, ut agas de me, deque auctore Christianae Theologiae iustissimum triumphum, si quidquam ostendis in hoc La-Croixii loco, quo temperet, aut restringat hunc modum adhibendae conditionis: Volo omnes, & solos &c. quo minus dici possit, eum loqui de omni casu, quo quis audit confessiones, vel ad eas audiendas se accingat. At frustra laborabis quaerendo. Nam nisi tale quidpiam in eo repente innascitur, La-Croixius non adjunxit. Boscus etiam tibi attente legendus erat, ex quo hanc rationem adhibendae conditionis sumsit La-Croixius, ut intelligeres, eum ipsum, quem respicis, & tuis a Concina attributum fuisse dicis, esse horum verborum sensum: Volo omnes, & singulos &c. Legito nunc, nam magna diligentia quaesivi, ut tibi quid velit, verbis ejus ostenderem. Boscus enim part.3. Theolog. Sacram. disput.7. de Sacram. Poenit. sect.3. de Form. Sacram. concl.6. num.135. pag.462. edit. Lovanien. 1670. „ Rursum, „ inquit, affirmo, nullam me videre rationem, quare Sacerdos prudenter du- „ bi-

„ bitans, an formam bene protulerit, non
 „ possit absolvere sub conditione : Si non
 „ est absolutus . Similiter si prudenter
 „ dubitet de legitima dispositione , si es
 „ bene dispositus . Imo videtur aliquibus
 „ non improbabile , Confessarium acce-
 „ dentem ad sedem confessionalem hanc
 „ generalem posse formare intentionem :
 „ *Volo omnes , & solos absolvere , qui*
 „ *erunt legitime dispositi ;* ne videlicet
 „ Sacramentum exponatur periculo nul-
 „ litatis , dum saepius abest interna di-
 „ spositio , tametsi exterius non appa-
 „ reat .

Negas etiamnum, Noceti , hunc mo-
 dum adhibendae conditionis valere „ in
 „ omni casu , quo quis audiat confessio-
 „ nes , vel ad eas audiendas se accin-
 „ gat ? „ Est ne hoc Concinae impostu-
 „ ra , an ipsius formulae significatio ? Sed
 & ipsa ratio , quam adfert hic Casuista ad-
 dendae isto modo conditionis : *ne Sacra-*
mentum exponatur periculo nullitatis , dum
saepius abest interna dispositio , tametsi ex-
terius non appareat ; id ipsum aperte de-
 monstrat . Quando enim incertum Sacer-
 doti non est, adsit ne revera *interna dispositio* ? Quando haec ita apparet , ut omne

D

peri-

periculum , ne Sacramentum inane sit , penitus tollatur ? Itaque si etiam in iis absolvendis , quos Sacerdos prudenter iudicat esse comparatos , adhibenda conditio est , propterea quod *saepius abest interna dispositio , tametsi exterius non appareat* , numquam conditio adhibenda non est .

XVI. Alia multa , ne longus sim , praeterco . Illud non video , qui tibi in mentem venerit *imposturae* arguere scriptorem , qui quid sibi ex alterius sententia consequens esse videretur , ingenue exposuit . Tuum erat , priusquam Concinam accusares , demonstrare , non sequi ex doctrina La-Croixii , & ex illa formula generali adhibendae conditionis , eum *loqui in omni casu , quo quis audiat confessiones ; vel ita Sacerdotes absolutionem impertiri , ut dispositi illam recipiant , secus indispositi* . Sed , cum non posses , praeterito La-Croixio , ad Gobatum , Castropalaum , Moyam , & Arriagam evolasti , ut horum quibusdam locis lectoribus suaderes , Concinam reum esse *imposturae* . Itaque ut agnoscas , Te ne sic quidem quidquam profecisse , videamus de ceteris .

XVII. „ Secunda *impostura* est , in-
„ *quis* , Castropalaum , Gobatum , Arria-
„ gam

„ gam contendere , fat esse mente eam
 „ concipi: *Volo omnes , & solos absolve-*
 „ *re , qui erunt legitime dispositi* . Nemo
 „ enim eorum hoc intendit , aut de hoc
 „ verbum habet , ut item patebit ex eo-
 „ rum textibus .

Jam potest tibi ex iis , quae dixi ,
 persuasum esse , nullam causam fuisse , cur
 Concina hos Casuistas adiret , & quo quis-
 que de casu loqueretur , perspiceret . Nam
 quorsum tempus consumeret in iis legen-
 dis quando in uno La-Croixio , quod re-
 fellebat , non erat obscurum , neque am-
 biguum ? Nec est , cur opponas , debuisse
 Boscum nominare , & huic uni acceptum
 referre modum illum addendae conditio-
 nis : *Volo omnes , & solos &c.* Ex eo enim
 sumpserat La-Croixius . Id quidem si fe-
 cisset , omnem tibi viam praecidisset accu-
 sandi sui . Sed necesse non erat , propte-
 rea quod ex oratione La-Croixii satis , ut
 dixi , apparebat , cum modum plus minus-
 ve ad omnes , quos nominabat , pertinere .
 Audi , ut id exemplo declarem , quemad-
 modum La-Croixius Gobatum inducit .
 „ Addit Gobat. n.272. Nequidem opus
 „ esse habere explicite , & formaliter in
 „ mente (conditionem , sed sufficere , si

„ implicite , & virtualiter , qualiter habet , qui voluit audire confessiones secundum institutionem Christi , vel intentionem Ecclesiae . Hinc notat Bosco tract.7. §.3. num.135. aliquos putare , quod satis sit antea sic formare intentionem : Volo omnes , & solos absolvere , qui erunt legitime dispositi . „ Post illa Gobati , unde quaeso istud : *Hinc notat Bosco ?* Ita sane loquitur , qui promittit ex uno Scriptore , quod cum dictis alterius putat esse conjunctum . Quare aut id , quod Gobatus dicit , cum opinione Boschi conjunctum est , aut ipse La-Croixius quod conjunctum non erat , inepte conjunxit . Utrum eligas nihil laboro . Nam ex alterutro illud efficitur , recte Concinam de Gobato , & aliis , quos defendis ex La-Croixio judicasse .

XVIII. Sed jam faciam , ut experiundo cognoscas , nihil esse tibi minus tutum , quam Concinam mittere ad Casuistas legendos . Nam cave putes , si eos adiisset , quidquam de illa oratione diminutum iri , quam tu quidem *sarcasticis* , & *imposturis* , ego studii , & gravitatis plenam esse existimo . Et si enim unum , & alterum , Moyam dico , & Arriagam , non recte a La Croi

Croixio laudatos fuisse perspexisset, plura tamen in ceteris invenisset eodem loco habenda, atque illa ratio addendae conditionis: *Volo omnes, & solos &c.*

Non putas, Noceti, ejusmodi esse Castropalai, & Gobati, quam profers, opinionem? Nihil dubitas iis textibus Concinam arguere *imposturae*, ex quibus efficitur eos in pari, ac La-Croixius, errore esse versatos? Age igitur, qualis sit horum Casuistarum opinio, quando tu dissimulas, videamus. „Loquuntur, *inquis*, „ pag. 199., solum de casu, in quo danda „ est absolutio conditionata, ut esset ex. „ ca. casus moribundi destituti sensibus „ de quo dubitatur, num sit capax; & „ casus, in quo poenitens jam manifestasset sua peccata, & post diligentem discussionem dispositionis Sacerdos esset „ dubius; vel casus in quo poenitens non „ haberet nisi unum peccatum dubium.

Mitto primum, & tertium, de quibus, & aliis horum similibus ferri potest, Theologos disputare. Alterum arripio, quem novi Casuistae excogitarunt, de absolutione iis impertienda, de quibus Sacerdos dubitat, an sint ad eam percipiendam comparati. Nosti, Noceti, quam late pa-

teat hic casus , & docere te potuit Castro-
 palans Tract. 23. disput. unic. punct. 5.
 pag. 128. col. 2. num. 9. edit. Lugd. 1649.
 ex quo hunc locum exscripsisti . „ Praete-
 „ rea praedicta verba absolutionis profer-
 „ ri debent absolute , non conditionate :
 „ quia hic est usus , & praxis Ecclesiae ,
 „ ideoque absolutioni tenetur Sacerdos
 „ praemittere poenitentis notitiam ; quem
 „ si rite dispositum inveniat , absolvet :
 „ sin minus , absolutionem denegat . Sed
 „ quia saepe contingit post diligentem
 „ discussionem Sacerdotem dubium esse ,
 „ an poenitens rite dispositus sit absolu-
 „ tioni recipiendae , ut in casu proxime
 „ dicto videri potest , non est illicitum ,
 „ sed potius conveniens , absolutionem
 „ concedere sub conditione de praesenti
 „ mente saltem retenta , *si rite es disposi-*
 „ *tus , te absolvo .* „ Haetenus tu quidem ,
 sed mihi non sunt caetera omittenda .
 „ Quia per hanc conditionis appositio-
 „ nem nec poenitenti damnum irrogatur ,
 „ cum non impediatur Sacramenti effe-
 „ ctus , si ad illud suscipiendum disposi-
 „ tus sit : neque ulla Sacramento fiat in-
 „ juria ; quin imo ejus reverentiae Sacer-
 „ dos prospicit , nolens ejus formam va-
 ne ,

„ ne , & inutiliter proferre , atque ita
 „ sustinet Vasquez aliis relatis *de poenit.*
 „ *quaest. 84. art. 3. dub. 5.*

Audistin ? *jaepe contingit* , quod tu
 dissimulas , *Sacerdotem dubium esse ; An*
poenitens rite dispositus sit absolutioni reci-
piendae . Quotiescumque autem contin-
 git , quid facto est opus ? *Absolvatur* , re-
 spondet Gobatus , *in nomine Domini .* Et
 ubi nam Dominus ait , tales absolvi debe-
 re ? Dominus autem ? Ne Theologum
 quidem alicujus existimationis , qui dicat ,
 invenies . Neque te moveat , quod videas
 hoc loco Vasquesium a Castropalao lauda-
 ri . Nam Vasquesius ab hac opinione lon-
 gissime abest ; & ostendam tibi hoc exem-
 plo in quibus oporteat magnos errores di-
 ligenter castigari .

Nunc Gobatum quoque audiamus
 Tract. 7. num. 268. pag. 728. col. 2. edit.
 Monach. 1681. „ In tertio , si adhibita
 „ Confessarii diligentia , nequeat tolli
 „ dubium , absolvatur *in nomine Domini*
 „ etiam *sub conditione .* Ut primum enim
 „ coepit aperire Sacerdoti unum pecca-
 „ tum , acquisivit saltem imperfectum jus
 „ ad absolutionem . Fructu hujus certi
 „ juris non debet integre privari ob so-

„ lum dubium . Ergo *sub conditione*,
 „ danda „ . Hic quoque fecisti describendi
 „ finem ; ego non faciam : recita reliqua .
 „ Certe experientia quotidiana docet , e
 „ centum dubiis casibus tam *juris* , quam
 „ *facti* , vix unum alterumve reperiri , in
 „ quo si proprie dubitent unus , duo , tres ,
 „ non reperiantur totidem , qui tamquam
 „ probabilem sustineant partem *affirma-*
 „ *tivam* illius dubii : totidem qui *negati-*
 „ *vam* . Ut proinde quando dubitas , an
 „ tuus poenitens sit satis dispositus , pos-
 „ sis prudenter ita ratiocinari : Ego *qui-*
 „ *dem proprie dubito propter hanc* , aut il-
 „ *lam rationem* ; merito tamen credo , vi-
 „ vere prudentes viros , qui , si adessent ,
 „ dicerent , meum dubium esse inanem
 „ scrupulum ; Quidni igitur me accom-
 „ dem illorum , etsi ignotorum sensui ?
 „ Nota hanc doctrinam pro pluribus aliis
 „ casibus .

XIX. Haec est doctrina Castropalai &
 Gobati , hae rationes , quibus eam con-
 firmare conantur , quibusque haud scio ,
 an quidquam absurdius , ne gravius di-
 cam , excogitari possit . Non docetur Sa-
 cerdos attendere morem Ecclesiae : remi-
 nisci documenta majorum : considerare
 quam-

quamdudum, & a quibus haec doctrina fuerit introducta; sed cogitare, cum casus incidit, ut dubitet de statu *poenitentis*, forte homines uspiam vivere duos, vel tres, qui dicturi sint, si adessent, videri sibi, dubium esse inane, & eum absolvi posse. Conferas, Noceti, hoc novum, & inauditum probabilissimi genus cum illa ratione adjiciendae conditionis: *Volo omnes, & solos absolvere, qui erunt legitime dispositi*; & ostendito, si potis es, utrum sit deterius, aut saltem quid intersit inter Sacerdotem, qui dicit *Volo omnes, & solos &c.* & eum, qui id quidem non dicit, sed tamen imbutus doctrina Gobati, adhibita conditione, omnes absolvit, de quibus dubitat, utrum animo praeparato accedant.

Neque tibi praesidio esse potest, quod illi dicunt de adhibenda diligentia, quod tu magnis characteribus saepe cudi voluisti, ut intelligeremus, eos nonnisi post adhibitam diligentiam permittere Sacerdoti, ut hujusmodi *poenitentes* absolvat. Hoc etiam decrat, ut diligentiam adhibendam esse non dicerent. Sed hoc tibi; Noceti, consilii do, ut quando legis Casuistas, non verba multum at-
ten-

tendas, quibus aut diligentiam laudant, aut alias ejusmodi res, puta dolorem, aut propositum efflagitant; sed ipsam, quam afferunt opinionem, & rationum momenta diligenter expendas. Nihil enim prodest multis verbis laudare diligentiam, quando ipsa opinio magnam gignit negligentiam. Et vero quam putas magnam adhibiturum diligentiam eum, cui persuasum sit ex doctrina Castropalai, se, si adhibita conditione absolvat, neque ullam Sacramento injuriam, neque homini, quem absolvit, damnum illaturum? Quam item magnam eum, qui quotiescumque hic casus incidit, absolvere se posse existimet, si cogitet, ut docet Gobatus, homines uspiam vivere duos, aut tres, qui eum, de quo ipse dubitat, comparatum esse non dubitent? An potuit quidquam facilius excogitari ad eximendos scrupulos Sacerdotibus, quominus vereantur absolutiones liberaliter impertiri? Ego non puto Concinae orationem, praesertim si haec Gobati, & Castropalai retulisset, visum iri cuiquam, quemadmodum visa est tibi pag. 202. plenam imposturis, & calumniis. Quam si pergis isto modo vituperare,

re, vide quid facias Thomae a Villanova, Carolo Borromeo, & tuo Bellarmino, ut ceteros omittam, quorum orationes adversus negligentes hujus Sacramenti ministros multo sunt vehementiores, quibusque a nemine unquam obiectum est, quemadmodum abs te Concinae objicitur, perinde facere, quasi suspectos populo christiano reddant Sacerdotes: in quos si potuit negligentia obrepere, nondum editis hujusmodi doctrinis, non video, qui calumniae, aut imposturae accusari possit is, qui nimis multam editis, & diu non confutatis obrepisse existimaret.

XX. Extremum est, ut te moneam, longe utiliorem, missa *Christiana Theologia*, consumpturum te operam in Casuistis excutiendis, & emendandis. Praeter enim quam quod magno beneficio cumularis universam Rempublicam litteratorum, palamque omnibus facies, quam turpiter errarint in referendis aliorum testimoniis, & quantopere abusi sint auctoritate magnorum Theologorum; nos etiam magno metu liberabis, ne impostorum numero habeamur, cum forte uni vel alteri fidem adhibemus. Magnus sane labor,

labor, sed valde necessarius. Quod etsi multis exemplis tibi ostendere possim, uno in praesentiarum contentus ero. Castropalaus ecce tibi, qui defendens, ut dixi, posse Sacerdotem eos, adhibita conditione, absolvere, de quibus dubitat, an recte comparati sint, Vasquesium esse sibi consentientem dicit: *ita, inquit, sustinet Vasquez aliis relatis de poenit. quæst. 84. art. 3. dub. 5.* Quid putas? Vasquesium cum Castropalao consentire? nihil minus. Postquam enim docuit Vasquesius loco citat. licere Sacerdoti, si forte non reminisceretur pronuntiatae absolutionis, adhibita conditione, rursus absolvere: neque videri sibi quamobrem, ulla hoc modo fiat injuria Sacramento: „ notat, *inquit*, Cajetanus, quod licet „ non esset contra naturam formæ si quis „ de praesenti hanc apponeret conditio- „ nalem *ego te absolvo, si vero promittis* „ *hoc aut illud facere*, ad quod judicat „ Sacerdos teneri poenitentem: tamen „ erraret Sacerdos apponens hanc con- „ ditionem, quia præsumit sub dubio „ tradere formam, quæ debet esse „ non dubia: quamvis enim maxi- „ mæ curæ debeat esse Sacerdoti co- „ gno-

„ gnosceret dispositionem poenitentis ,
 „ dolorem scilicet , & propositum , ipsi
 „ tamen facta diligenti excussione cre-
 „ dendum est , & ita impendenda abso-
 „ lutio , nec reputanda materia dubia ,
 „ quae revera non debet dubia existi-
 „ mari .

Viden quemadmodum etiam in re-
 bus magni momenti abutantur Casuistæ
 auctoritate Theologorum ? Primum ra-
 tionem Vasquesii , quae , cum aliqua ne-
 cessitas urget , inepta non est , transfert
 Castropalaus ad suam opinionem proban-
 dam , quasi etiam tum , cum dubium est,
an poenitentes sint dispositi , ulla sit causa,
 aut necessitas conficiendi Sacramenti .
 Deinde , quod est ad fallendum compa-
 ratum , Vasquesium in eo , quod diserte
 negat , esse sibi consentientem dicit . Veli
 Concinae , si hac de re quaestionem insti-
 tuens , forte in Castropalaum incidisset ,
 cumque refellens Vasquesium una nomi-
 nasset . Continuo , lecto Vasquesio , &
 nihil tale , quale illi Castropalaus attri-
 buit , in eo reperiens , clamasset Conci-
 nam impostorem esse , velle calumnia ob-
 ruere Vasquesium . Quid ita ? Nonne fi-
 dem adhibuisset Castropalao ? Quamdu-
 dum ,

dum, nisi ab edita Probabilissimi historia, & scripta Christiana Theologia, imposturae reus habetur, qui fidem adhibet Casuistae vestro, aut summatim ejus orationem describit?

De
Azorio.

XXI. Succedit his Azorius, de quo disputas cap. XII. pag. 21. ubi una Vasquesium, & Lessium defendis, eorumque sententiam, ut tibi loqui moris est, suae restituis *sinceritati*. At cui *sinceritati*? Puto illi, quam tu ipse eorum Sententiae ademisti. Quaestio a Concina instituitur tom. 3. Theol. Christ. pag. 277. liceat ne domos meretricibus locare, & inde haec verba descripsisti,, . Adfirmant communiter re,, centiores. Sanchez libr. 1. in Decal. ,, cap. 7. num. 20. Azorius part. 2. lib. 12. ,, cap. 18. quaest. 3. Vasquez opusc. de ,, Scand. quaest. 43. art. 8. dub. 5. num. 38. ,, Lessius lib. 2. cap. 24. dub. 7. . . . ,, . . . Tamburinus lib. 5. in Decal. §. 4. ,, num. 34.. Etiam nulla, *inquit*, ex- ,, cusante causa. Excipiunt tamen com- ,, muniter, nisi domus magis apta esset ob ,, situs conditionem ad peccandum, & ad ,, homines alliciendos, & vicinitas me- ,, retricis multum noceret honestis femi- ,, nis in vicinia commorantibus. Nam
,, tunc

„ tunc requiritur causa qualis certe suffi-
 „ ciens esset, non posse aliis honestiori-
 „ bus locari, concludit Tamburinus lo-
 „ co cit. Audistin. ? Etiam si domus hæc
 „ aptior sit ad exercendum meretricium,
 „ etiam si locatio domus, & meretricis
 „ inhabitatio multum noceret honestis
 „ feminis in vicinia commorantibus, li-
 „ citum est talem domum in his circum-
 „ stantiis meretricibus locare. Hoc eo-
 „ dem modo loquitur Diana loco cit. cum
 „ Sanchez aliisque laudatis junioribus.

Hactenus ille. Ubi nam peccavit ?
 In extremis vrbis; *Hoc eodem modo loqui-
 tur Diana cum Sanchez, aliisque laudatis
 junioribus.* „ Nam inter laudatos Junio-
 „ res, *inquis* sunt etiam hi tres Vasquez,
 „ Azorius, & Lessius: Porro falsissimum
 „ est, tres istos loqui eodem modo, ac loqui-
 „ tur Tamburinus „. Sit ita. Sed inter
 laudatos Juniores erant etiam hi sex, Le-
 desma, Trullenchus, Salonijs, Castropala-
 nus, Salmanticenses, Sporerius. Nam
 Concina habet hoc modo loco cit. „ Af-
 „ firmant communiter recentiores San-
 „ chez lib. 1. in Decal. cap. 7. num. 2.
 „ Azorius lib. 12. cap. 18. quaest. 3. Vas-
 „ quez opusc. de Scand. quaest. 43. art. 8.
 „ dub. 5.

„ dub. 5. n. 48. *Ledesma* tom. 2. tract. 8.
 „ cap. 32. concl. 14. quaest. 1. *Trullen-*
 „ *chus* lib. 1. cap. 6. dub. 5. num. 16. *Dia-*
 „ *na* tom. 7. coord. tract. 5. ref. 29. *Lef-*
 „ *sius* lib. 2. cap. 24. dubio 7. *Salonius* in
 „ 2. 2. quaest. 77. art. 4. contr. 6. *Castro-*
 „ *palaus* disputat. 6. punct. 112. *Salmanti-*
 „ *censes* tract. 21. cap. 8. punct. 5. num. 65.
 „ *Sporerius* tract. 5. cap. 1. sect. 3. n. 90.
 „ *Tamburinus* lib. 5. in Decal. §. 4. n. 34.
 Quare hos praetermisisti? Quare non in-
 tegrum Concinae locum descripsisti? Sci-
 licet ut ejus extrema verba: *Hoc eodem*
modo loquitur Diana cum Sanchez aliisque
laudaris junioribus caderent in Azorium,
 Vasquesium, & Lessium, pateretque tibi
 ad Concinae accusandum via. Hoc non
 decet vindicem veritatis, quae tamen
 passa non est injuriam abs te sibi fieri, vo-
 luitque etiam ab invito defendi. Sic est:
 accusatio tua est Concinae defensio. Nam
 cum Lessio, Azorio, Vasquesio nomina-
 tis, ceteros omiseris, te ipsum vidisse osten-
 disti, nisi omitterentur, non esse locum
 accusandi, & posse extrema Concinae
 verba, quae non omnes omnino compre-
 hendunt, ad alios duos, vel tres, qui re-
 vera sint Tamburino consentientes, com-
 mode

mode referri . Nam si Concina omnes omnino comprehendere voluisset laudatos auctores, haud dubie dixisset : *Ita loquitur Diana cum Sanchez, & omnibus aliis laudatis junioribus* . Itaque supersedere poterat tot testimoniis conquirendis, quibus ostenderes , Azorium , Vasquesium , & Lessium a Tamburino dissentire . Do tibi quod vis . Tantum restitue ceteros in eum locum , e quo sustulisti , & periculum non erit , ne quisquam tribus illis assignet , quod ex omni numero aliis tribus , aut quatuor , puta Salmanticensibus , Salonio , Sporerio , & Castropalao , qui sane a Tamburino non discrepant , tribuendum est .

XXII. Agis iterum de Azorio C. IIC. *Rursus
de
Azorio.*
ubi etiam Suaresium , & Reginaldum . falso ab Concina Tom. X. pag. 103. in subsidium opinionis , quam non defendunt , appellatos fuisse contendis . Est ibi quaestio : *An pretium pro usu scientiarum accipere sit Simonia* . Ex qua haec Concinae verba describis . „ Ad Sacram „ Theologiam quod attinet , si accipia- „ tur pro cognitione divinitus infusa my- „ steriorum fidei , & divinarum scriptu- „ rarum , eam vendere , & pretium pro
E „ eadem

„ eadem accipere , simonia est , ut patet
 „ ex ijs , quae dicta de Concionatoribus
 „ verbum Dei adulterantibus sunt . Sal-
 „ manticenses loc. cit. num. 41. putant
 „ valde probabilem sententiam contra-
 „ riam , quam defendit P. Suarez lib. 4.
 „ cap. 8. , Reginaldus lib. 23. cap. 112.
 „ Azorius 3. part. lib. 12. cap. 18. quae-
 „ stion. 6.

His descriptis , „ Oro , *inquis* , P.
 „ Concinam , ut legat in fonte omnes ,
 „ quos in hoc opere citat . In Suario , Re-
 „ ginaldo , Azorio ne verbum quidem
 „ inveniet , ex quo exculpere possit , eos
 „ defendere sententiam contrariam , idest
 „ defendere , posse vendi absque simonia
 „ sacram Theologiam acceptam pro co-
 „ gnitione divinitus infusa mysteriorum
 „ Dei , & sacrarum scripturarum .

Si Suarez , Reginaldus , & Azorius
 non sunt in hac opinione versati , non mo-
 do abs te Concina , sed olim a tuis oran-
 di erant Salmanticenses , ut eos expunge-
 rent . Nam Concina hos legit , & scrip-
 tum ab iis invenit : Tract. 19. cap. 2. punct.
 6. num. 41. edit. Lugdun. 1679. „ Quam-
 „ vis sit valde probabile hanc (Theologi-
 „ am acceptam pro cognitione mysteriorum)

„ rum) non esse materiam simoniae , ut
 „ docent Suarez lib.4. cap.8. num.14. Re-
 „ ginaldus lib.23. num.112. Azorius 3.
 „ part. de Simonia lib.12. cap.18. quae-
 „ stion.6. vers. *Quid si quisquam* .

Quum octoginta , & eo amplius sint
 anni , ex quo scripserunt Salmanticensēs ,
 * & nemo vestrum de eorum errore corri-
 gendo , & his Theologis vindicandis cogi-
 tarit , quae res tandem nunc vos movet ,
 ut eundem in *Christianam Theologiam* ex
 ipsis derivatum , non dico emendari velitis ,
 quod esset ferendum , sed ita reprehenda-
 tis , ut quasi nunc primum a Concina pro-
 fectus esset , negligentiae , malaeque fidei
 assignandum putetis ? Hoc jam dixi , & ite-
 rum dico , vos non equum facere , cum ex
 omni numero eorum , quos indicat ab Sal-
 manticensibus , vel ab aliquo quopiam ma-
 gni nominis Casuista laudari , unum & al-
 terum , qui forte falso laudetur , arripitis ,
 ut cum negligentiae , aut malae fidei ac-
 cusetis . Hos enim omnes nec legit ille ,
 nec se lecturum promisit ; imo se non sem-
 per legisse , saepe , & multum lecto-
 res admonuit . Nam Tom.5. , ut cetera
 omittam loca , pag.150. num.3. , postquam
 ostendit , haud recte fuisse a Tamburino

in subsidium cujusdam opinionis appellatum Azorium: „ Judicent , *inquit*, aequi
„ rerum aestimatores , colligantque quid
„ fidei tribuere communiter debeant lou-
„ go illi Auctorum censui , quem saepe
„ penes Casuistas offendunt . Si enim
„ tempus , & otium suppeterent omnes
„ singillatim consulendi, plures sane repe-
„ rirem , qui non plus ac Azorius illis fa-
„ vent opinionibus , in quarum praesi-
„ dium citantur „ . Quis non jure mire-
tur , eum, qui tam diserte , quid ab se in-
scribenda Theologia factum esset , aper-
ruit ; & ne aliquando sibi fraudi essent Ca-
suistarum , quas describeret , *citationes* ,
studuit praecavere; accusari tamen ob has
ipsas *citationes* etiamnum ab iis , a quibus
haec dudum lecta fuerunt , & nisi, quod ve-
rissimile non est, lecta fuissent , ignorari ni-
hilominus non potuissent, propterea quod
fuissent haec eadem ab Auctore *Chr. Theol.*
ut constat inter omnes , publice declara-
ta . Nam quod magna diligentia in Casui-
stis legendis sese usum promiserit , &
saepe usum esse gloriatur , nemo est , qui
non statim intelligat , de iis cum loqui ,
quos nominatim confutavit , quorumque
opiniones ex eorum libris ab se descriptas
oppu-

oppugnavit . Hoc enim erat non solum utile, sed plane necessarium, ut hos omnino adiret, nullique in eorum sententiis referendis, nisi uni sibi, fidem adhiberet. Quod quanta diligentia praestiterit, haec mea defensio declarabit . Interim dabo tibi hujus diligentiae argumentum sane praeclarum . Puto , Noceti , te meminisse eorum , quae tibi de Sanchezio respondi epistola superiore , cum cum male a Concina pro opinione duelli ad vitam , honorem , & res familiares tuendas doleres fuisse laudatum; nempe , ita ab Salmanticensibus laudari . Horum errorem situm in numeri unius mutatione . Sanchezium illam opinionem defendere loco ab Salmanticensibus indicato , sed num. 7. non 8. Unum tunc me fugit, Concinam hanc opinionem Sanchezii in Catalogum earum, quae *laxae* illi visae sunt, referre , ibique locum Sanchezii (quod mirum esset , te non animadvertisse) accurate indicare . Nam Tom. 4. pag. 281. in extremo num. 18. habet hoc modo . „ Bene Nav. ait, teneri „ innocentem non acceptare duellum, nec „ indicere , si potest *occulte illum occi-* „ *dendo* id vitae , honoris , & rerum fami- „ liarium periculum evadere . Quippe

„ sic proprium vitae periculum in duello
 „ imminens vitabit , & peccatum actoris
 „ offerentis , aut acceptantis duellum .
 „ Thomas Sanchez lib.II. in Decal. cap.
 „ 39. num.7.

Hoc tibi sit indicio , Concinae Ca-
 suiſtas , quorum opiniones refellit , aut in
 Catalogum refert , omnino legiſſe , neque
 in eorum locis indicandis erraſſe . Sed pu-
 to, te hoc indicio non egere , & diu ante
 experiundo cognoviſſe , Concinae hac in
 re incredibili uſumeſſe diligentia, nullam-
 que tibi reliquiſſe occaſionem accuſandi
 fui . Nam quum plurimum temporis , &
 operae in excutienda *Chriſtiana Theologia*
 conſumpſeris , ejuſque auctorem tam pro-
 lixe accuſes : quas adfers propoſitiones ,
 ex omni numero earum, quas aut data ope-
 ra refellit , aut in Catalogum refert , fal-
 ſo tuis attributas , vel diminute descrip-
 tas ? Sane perpaucas , de quibus , cum in
 eum locum venero , erit mihi accurate re-
 ſpondendum . Itaque ad *citationes* Salman-
 ticenſium , & Leandri a Sanctiſſimo Sacra-
 mento , aut aliorum Caſuiſtarum confugi-
 ſti , quorum errores , ſi qui ſunt in aucto-
 rum locis indicandis , tam poſſunt Conci-
 nae attribui , quam haereſes Lutheri , &
 Cal-

Calvini Bossueto, aut Bellarmino;

XXIII. Egi jam tertio de hoc genere accusationis, quod in tuo libello frequenter occurrit, & ostendi omni genere argumentorum non solum esse levissimum, sed etiam a ratione alienum. Deinceps, quotiescumque occurrer, satis erit hunc locum, & alios duos prioris epistolae, in quibus illud confutavi, tantum indicare.

Ad rem quod spectat, non nego Suaresium veram docere sententiam; sed quaedam habet loc. ab Salmanticensibus cit. ex quibus visum est illis, eam, quam eidem tribuunt, concludi posse sententiam. Tu, qui Concina oras, ut legat *in fonte omnes, quos citat*, debueras hos locos, in quibus nonnulla est difficultas, legere, considerataque Suaresii doctrina, & Salmanticensium argumentatione, docere, an isti recte concludant. Mihi magis verborum, quam rerum videtur esse dissidium. Quare rem totam praetermitto.

XXIV. Pergo ad Baunium, de quo Concina Tom.2. *Theol. Christ.* pag.100.; Baunius, *inquit*, loco cit. (Tom.3. lib.2. tract.9. quaest.4.), „cum Lessio, & uno aut „ altero recentiore laxissimam invexit „ opinionem. Contendit praeceptum e-

De
Baunio.

„ largiendi redditus Ecclesiasticos super-
 „ fluos in pios usus esse dumtaxat Eccle-
 „ siasticum, quod contraria valeat con-
 „ suetudine abrogari. Quare defendit Be-
 „ neficiatos tum in Gallia, tum in Hispa-
 „ nia non valide modo, sed etiam licite
 „ testari de rebus superfluis in usus non
 „ pios „. His tu cap. X. recitatis. „ In-
 „ vexit? *inquis*, hæc est impostura „.
 Facile tu quidem invenis imposturas. Tam
 magnum crimen in una vocula? At quare
 tandem impostura est? „ Verbum illud
 „ *invexit* significat, Baunium fuisse illius
 „ opinionis inventorem, vel saltem ante-
 „ signanum „. Cave tibi a Grammaticis,
 Noceti; hi tibi Tullium opponent, 2.
 offic. *Tantum in aerarium pecuniae inve-*
xit. Obruunt te Dictionariis Stephani,
 Nizolii, Ambrosii, Fabri, Passeratii, Do-
 leti, & ostendi sibi volent, ubi nam ver-
 bum *invexit* significet *invenire*, *excogita-*
re; *inventorem* esse, vel *antesignanum*.

XXV. Sed ego, missis grammaticis,
 do tibi, quod illi negarent, verbum *inve-*
xit ista significare. At quare tandem Bau-
 nius illius opinionis inventor dici non pos-
 set? „ Hoc, *inquis*, est falsissimum; siqui-
 „ dem multis annis ante ipsum ab aliis
 Do-

„ Doctoribus , & quidem non exigui no-
 „ minis traditam ipse postea amplexus est.
 „ Seligo duos „ . Hi sunt Covarruvias ,
 & Garcias , quorum affers prolixa testi-
 monia , quibus eos eandem , ac Bau-
 nius , ostendas tueri opinionem . Qui cum
 ante Baunium scripserint , concludis , hunc
 Casuistam dici non posse illius opinionis
 inventorem . Non recte concludis . Nam
 cum illi duo sint Canonistae , vere scribe-
 re potuit auctor *Theologiae Christianae* ,
 Baunium ex laxitate duorum Canonista-
 rum invexisse in aerarium Casuisticae be-
 nignitatis *laxam* opinionem . Quare Theo-
 logi tibi quaerendi sunt , qui ante Bau-
 nium scripserint , & hanc opinionem do-
 cuerint , si vis efficere , eam non a Baunio
 primum in Theologiam fuisse introductam .
 At ne sic quidem locus esset imposturae .
 Nam Concina non ait , Baunium hanc opi-
 nionem primum invexisse , sed eum in-
 ter primores Probabilistas numerandum
 esse , qui hanc opinionem in Theologiam
 Casuisticam invexere . Id enim significat
 ejus loquendi modus „ Baunius cum Les-
 „ sio , & uno , & altero recentiore laxissi-
 „ mam invexit opinionem .

XXVI. Hic , calamo posito , facere

volebam hac de re scribendi finem ; eo
 quod evanuisse videretur hujus voculae
 impostura . Sed forte in eum locum incidi,
 ubi sic lectores appellas. „ Sciant lectores
 „ hoc esse artificium P. Concinae familia-
 „ rissimum ; ut de iis sententiis disputans,
 „ quas ipse laxas appellat (quas autem
 „ ex ipsis , quae libertati favent , non
 „ appellat ?) quamvis a magnis , pluri-
 „ misque Doctoribus , nec raro Domini-
 „ canis tradantur ; nihilominus vel pro
 „ illis solos Jesuitas producat , vel solos
 „ Jesuitas nominatim infectetur , solos
 „ in legentium oculis conetur infigere ,
 „ tamquam si essent earum sententiarum
 „ fundatores , unici defensores , vel pri-
 „ mipili . Quod artificium cum in allato
 „ nuper exemplo satis elucet , tum ex iis ,
 „ quae consequentur , manifestius fiet .
 „ Quod quidem utrum apte cohaereat
 „ cum ea vacuitate a studio partium ,
 „ quam tantopere jaëtat , & credi vellet ;
 „ alii viderint „ . Quum itaque in hunc
 locum forte incidissem , redeundum mihi
 fuit ad Concinam, & quid ageret , diligen-
 tius perspiciendum . Cupio Lectores idem
 facere , ut agnoscant *artificium Patri Con-*
cinae familiarissimum . Postquam enim

copiose demonstravit, non solum charitatem, sed etiam justitiam praecipere, ut qui fruuntur Ecclesiasticis beneficiis, quae sibi ex eorum fructibus supersunt, pauperibus distribuunt. „ Dominicus Soto, „ *inquit pag.99.* non retusi ingenii Theologus primus fere omnium data opera „ invexit opinionem oppositam „ . Hoc est, Noceti, malignum scribendi artificium, quod lectores agnoscere cupis? Hoc partium studium? Haec libido praetereundi Dominicanos, & solos Jesuitas, cum opinio laxa est, proferendi? Nam si Bannius, & Lessius Soti opinionem deteriore reddidere, remotaque non solum justitia, sed etiam charitate, unum esse, statuerunt praeceptum Ecclesiae, quo tenerentur Clerici ea, quae sibi superessent ex redditibus beneficiorum, pauperibus distribuere, posseque propterea ejusmodi praeceptum contraria consuetudine abrogari, cur Concina taceret? cur dissimularet? Tum praesertim, cum hanc quaestionem diligenter, copioseque tractaret; & ne suos quidem, qui falsa docuissent, praeteriret? At poterat, inquires, Covarruviam, & Garciam nominare. Noli ad istos redire. Canonistas magni facio.

Sed

Sed Theologo res est cum Theologis, non cum Canonistis. Quare cum Theologum invenire non potueris, qui ante Lessium, & Baunium hanc opinionem doceret, nulla erat causa, quamobrem Concinae succenseret, quod eam ab his duobus in Theologiam introductam fuisse indicarit. Illud etiam ex hoc Concinae loco melius intelliges, quomodo sit ei loquendum, qui significare velit, scriptorem, quem nominat, esse alicujus opinionis inventorem. De Soto Dominicano: *primus fere omnium*, inquit, *data opera invexit*. De tuis: *Baunius cum Lessio laxissimam invexit opinionem*. Nimirum non putavit, nisi *primus omnium* adjungeret, verbum *inveho* eum, de quo loqueretur, inventorem esse significare.

XXVII. Secundum haec lectori judicandum relinquis, recte ne hanc opinionem Auctor *Theologiae Christianae laxissimam* appellet; & recte ne solvat a dispensatione Pontificum petitum argumentum. Utrumque recte; praesertim si de Baunii & Lessii opinione loquamur: de qua, ut mittam Concinae argumenta, non Sinnichius aut Vendrochius, sed Diana Tom. 4. coord. tract. 7. ref. 25. ita pronunciavit:
 „ Ego

„ Ego huic sententiae non assentior ,
 „ cum sit contra communem , & omnino
 „ respuendam esse puto . „ Valde la-
 xam esse oportet opinionem , quam Dia-
 na omnino respuendam esse iudicat .

Ad argumentum quod attinet ex
 Pontificum dispensatione petatum , qua
 re non recte solvitur a Concina ; cum ait
 pag. 104. num. 7. auctoritate S. Bernar-
 di : *Plura impertiuntur Pontifices Summi*
aut mendacio decepti , aut importunitate
victi ? An periculum adest , ne Romanos
 Pontifices hoc responsum afficiat injuria ?
 Ne vereare ; nam , nisi sufficit tibi D. Ber-
 nardi auctoritas , ipsi Romani Pontifices
 plura se aut *mendacio* deceptos , aut *im-*
portunitate victos concedere fatentur. Au-
 di Gregorium X. in Concilio Generali
 Lugdunensi II. relatum cap. unic. de reli-
 gios. domib. conced. in 6. „ Religionum
 „ diversitatem nimiam , ne confusionem
 „ induceret , Generale Concilium con-
 „ sulta prohibitione vetavit , sed quia
 „ non solum *importuna petentium inhibi-*
tio illarum propemodum multiplica-
 „ tionem extorsit &c. „ Audi Bonifa-
 cium VIII. relat. cap. 2. de concess.
 praeb. in 6. „ Quaedam *per importunita-*
 „ tem

„ *tem* nimiam , per quam non conceden-
 „ da multoties conceduntur , & *ambitio-*
 „ *nem improbam* ut plurimum extorquen-
 „ tur . Audi rursus eundem in cap. ult.
 de rescriptis in 6. „ Quia per *ambitosam*
 „ *importunitatem petentium* tam nos ,
 „ quam nonnulli Praedecessores nostri
 „ Romani Pontifices, indulgentias perpe-
 „ tuas multis concessimus .

Obruere te possem ejusmodi testi-
 moniis . Sed his contentus ero . Te con-
 tentum esse oportebat Concinae *Declara-*
tione ; in qua pag. 6. „ hoc responsum ,
 „ *inquit* , attuli , quia posito , quod Be-
 „ neficiatis *jure divino* , & *non jure tan-*
 „ *tum Ecclesiastico* prohibitum sit in fa-
 „ vorem consanguineorum testamentum
 „ facere , nescivi responsum melio-
 „ rem invenire , quam si quis parum re-
 „ verentiae erga summos Pontifices con-
 „ tinere judicabit , rejicio , atque abo-
 „ minor .

Quid erat causae , Noceti , cur post
 hanc declarationem , rursus ei ob hanc
responsum invidiam constare studeres ?
 Hic fidem tuam appello . Nam , si Tam-
 burinus , postquam Deum exemp. caus.
 amari non oportere , aut licere calumnia
 fal-

falsum testem obruere docuisset, lapsum esse se, edito libello, declarasset, quid illi faceres, qui non ei ignoscendum, erroremque rursus objiciendum putaret? Quid illi faceres? Vidimus in ejus *retractione*, vidimus in *Amici declaratione*. Quas si tanti a Concina fieri volebas, quanti libello tuo ostendisti, quid est, quod ei ne post quidem, quam publice accusatus omnibus, quae sibi objecta fuerant, satisfecit, ignoscendum putasti? Quae te res publico iudicio, in quo lis composita fuit, sanctior, atque augustior, quin cum amplius accuses, deterrebit? Id autem eo magis miror, quod, cum Concina non aliud sibi praesto fuisse dixerit melius responsum, quo illud argumentum solveret; tu, quin ei hoc melius responsum, si quod erat, ostenderes; ad id, quo usus erat, reprehendendum redieris. At quid quaeris, amabo te, rursus hoc responsum criminando, & argumentum illud objiciendo; quid a Concina expectas? ut is tandem veterem relinquentiam, novamque Soti, atque etiam Lessii, & Baunii statuat amplectendam esse sententiam? Nunquam impetrabis. Nam veterum sententia firmior est,

est , quam ut ullo argumento convelli possit , petítumque a *dispensatione Pontificum* tam bene solvitur , ut , quemadmodum ostendi , parum absit , quin responsum ab ipsis Romanis Pontificibus videatur esse profectum .

Denique si tam delicatus es , ut nihil ferre possis , quod Romanorum Pontificum ejusmodi *dispensationibus* adversari videatur , cavendum perpetuo tibi erit a scriptis magnorum Virorum de his rebus differentium legendis , propterea quod omnia ejusmodi responsis referta sunt , quibus has Pontificum *dispensationes* nihil iis prodesse demonstratur , a quibus impetrantur . Unum , si ferre potes , lege Robertum Bellarminum in *admonitione* ad Episcopum Theanensem *nepotem suum* , edit. *Roman. ann. 1677. ubi Controvers. 6. de Multiplicit. Benef.* „ Sed quia multi ,
 „ *inquit* , multa beneficia ex dispensatione Pontificia possident : sciendum est ,
 „ Pontificiam dispensationem , quando
 „ non adest justa causa dispensandi , *valere in foro fori , sed non in foro poli* ,
 „ ut aperte docet S. Thomas *quodlib. 9. art. 15.* ubi postquam retulisset illa
 „ verba S. Bernardi : *qui non unus , sed*
 „ *plu.*

„ *plures est in Beneficiis : non unus sed*
 „ *plures erit in suppliciis* , postea haec
 „ subdit : *habere plures praebendas &c.*
 „ Itaque & Papa sine legi-
 „ tima causa dispensans graviter delin-
 „ quit , & ejus delictum non liberat am-
 „ bientem , obtinentem , & retinentem
 „ a culpa . „ Puto Concinae responsio-
 nem hac Bellarmini multo esse leniorem .

XXVIII. Sermonem iterum instituis *Iterum*
 de Baunio Cap. XXX. ubi mirare , non fa- *de Baunio.*
 tis persuasum esse Concinae , cum aucto-
 rem non fuisse damnatae propositionis :
Accipere Deum in testem mendacii levis
non est tanta irreverentia , propter quam
velit, & possit damnare hominem. Utar au-
 tem, ut soleo, a te descripto Concinae lo-
 co, quo rem facilius exponam . Quaerit is
 Tom. 3. pag. 408. „ An qui in re levissi-
 „ ma falsum jurat , peccet mortaliter ?
 „ Auctor Theologiae
 „ moralis Jesuitarum , & Henricus a S.
 „ Ignatio in Prolegomeno I. cap. 1. hanc
 „ eandem sententiam (peccare solum
 „ venialiter) adjudicant Baunio in sum-
 „ ma pag. 65. edit. XV. , ubi eam docet
 „ his verbis : *Vocare Deum in testem*
 „ *mendacii levis non est tanta irreveren-*
 F „ tia ,

„ *tia, propter quam velit, aut possit dam-*
 „ *nare hominem: quae propositio est 24.*
 „ inter damnatas ab Innoc. XI. Domini-
 „ cus Viva in sua Trutina Theologica in-
 „ terpretatur, Baunium admittere par-
 „ vilitatem materiae in juramento dumta-
 „ xat *promissorio*. Sit ita: libenter liqui-
 „ dem & nos sano in sensu, quoad fieri
 „ potest, Catholicos Scriptores inter-
 „ pretamur. Quod negotium facessit,
 „ est, iisdem omnino verbis esse concep-
 „ tam propositionem damnatam ab Inno-
 „ centio XI.; quam cum ceteris Theolo-
 „ gis ipse Viva testatur proscriptionem fuisse
 „ se in sensu juramenti assertorii, non
 „ promissorii. Utcumque res ista se ha-
 „ beat, ratio proscriptionis propositionis
 „ est evidens.

Nescio, quae te causa impulerit, ut
 contentus non esses Concinae facilitate,
 qua Viva assensus est agenti, Baunium
 de juramento, ut vocant, *promissorio* esse
 locutum. „ Sit ita, *inquit*, libenter
 „ siquidem & nos sano in sensu quoad fie-
 „ ri potest, Catholicos Scriptores inter-
 „ pretamur. „ Quamvis autem nego-
 „ tium sibi facessere dixerit, quod iisdem
 verbis Baunii, & damnata constet propo-
 sitio;

fitio ; ita tamen orationem conclusit , ut
 quivis intelligere posset , non ullam eum
 cum Viva litem hac de re instituere velle .
 Quid amplius desiderare poteras ? Ut
 Baunii loco descripto demonstrandum sus-
 sciperet , quemadmodum abs te factum
 est , Baunium in eo errore non esse versa-
 tum ? At scito , Noceti , periculum es-
 se , ne tua argumentatione illud etiam
 amittas , quod Concina Vivae concessit .
 Illud est mirabile , quod adeo argumenta-
 tioni tuae confidis , ut , quasi re confe-
 cta , triumphum agas , & Concinae in-
 sultes ob lectam in Henrico a S. Ignatio ,
 & Auctore *Theologiae Moralis Jesuitarum*
 Baunii opinionem . „ Si Henricus , in-
 „ quis , a S. Ignatio , & Auctor *Theolo-*
 „ *gice Moralis Jesuitarum* non avulsissent
 „ a suo contextu praedictam propositio-
 „ nem , sententiam damnatam Baunio
 „ non adjudicassent . Et si P. Concina
 „ non legisset Baunium in his auctori-
 „ bus , sed collegisset necessitatem le-
 „ gendi auctores in fonte , nihil fuisset ,
 „ quod negotium ipsi facesseret , & in-
 „ terpretationi P. Vivae facilius acquie-
 „ visset .

XXIX. Ego , Noceti , nunquam at-

tigi Henricum a S. Ignatio, Auctoremque *Theologiae Moralis Jesuitarum*, quibus nunquam me egere putavi, ut cognoscerem errores probabilistarum. Legi nunc primum in tuo libello hunc Baunii locum. Legi argumentationem tuam, ex quibus nihil aliud elicere potui, nisi valde dubium esse, de quo is juramento *assertorio* ne, an *promissorio* loquatur. Dixi dubium esse; nam mihi ex eo, quod tu non avelliſti, quemadmodum Henricus a S. Ignatio, & Auctor *Theologiae Moralis Jesuitarum* a suo contextu *praedictam* propositionem, certum videtur, eum loqui de juramento *assertorio*, proindeque damnatam docuisse propositionem. Sed nolo, quod mihi certum est, aliis ut certum proponere, tibi praesertim, cui valde difficile esset tam subito in contrariam partem mentem transferre. Itaque, quare tibi non assentiar, lectoribus exponam, a quibus, si forte male ratiocinor, non expecto, ut imposturae mihi crimen objiciant.

Recita Baunii locum. „ Nequit fieri peccatum veniale, ad quod quis se obligavit per juramentum, quin novum committatur. Toletus lib. 4. cap. 21. Covarruvias de pactis 1. part. §. 6. „ Ad-

„ Additur quod emittendo hoc juramen-
 „ tum , peccatum est mortaliter juxta
 „ opinionem aliquorum. S. Th. 2. 2. quæst.
 „ 89. Theologi in 3. sententiarum dist.
 „ 29. Lefs. lib. 2. de Just. dub. 4. nu. 18.
 „ Quia species est blasphemiae accipere
 „ Deum veluti fidejussorem offensæ , &
 „ vadem pravae voluntatis , qualis illa
 „ est , quam habet , qui se determinat
 „ ad aliquam culpam , quantumvis venia-
 „ lem. Contraria nihilominus opinio ha-
 „ bet fautores suos (nempe non esse pec-
 „ catum mortale illud juramentum) ut
 „ S. Antoninum 2. part. tit. 10. cap 4. §.
 „ 3. Sotum lib. 8. quæst. 2. art. 3. Valen-
 „ tiam Tom. 3. disput. 6. quæst. 7. §. 3.
 „ Et possumus illam sequi sub considera-
 „ tione , quod accipere Deum in testem
 „ mendacii levis non est tanta irreveren-
 „ tia , propter quam velit , & possit dam-
 „ nare hominem .

Recita argumentationem tuam . „
 „ Relato summa fide textu , evidenter
 „ ostendo , quamvis fortasse lectorum
 „ oculis statim patuerit , sermonem esse
 „ de juramento promissorio : & sensum
 „ illorum verborum *in testem mendacii*
 „ *levis* esse in testem mendacii levis pro-

„ *ferendi, & juramento promissi, non,*
 „ *vero in testem mendacii levis in jura-*
 „ *mento, & cum juramento prolati. Osten-*
 „ *do primo ex verbis ipsius Baunii. Bau-*
 „ *nii per illa verba: nequit fieri pecca-*
 „ *tum veniale, ad quod quis se obligavit per*
 „ *juramentum, loquitur de juramento,*
 „ *quo quis se obliget ad committendum*
 „ *peccatum veniale; atqui juramentum,*
 „ *quo quis se obliget ad committendum*
 „ *peccatum veniale est juramentum pro-*
 „ *missorium. Ergo. Praeterea Baunius*
 „ *per illa verba accipere Deum fidejusso-*
 „ *rem offensae, & vadem pravae volunta-*
 „ *tis, qua quis se determinat ad aliquam*
 „ *culpam quantumvis venialem loquitur*
 „ *de juramento, quo quis vocat Deum in*
 „ *testem offensae faciendae, & executio-*
 „ *nis pravae voluntatis, qua determinat*
 „ *committere aliquam culpam quamvis*
 „ *venialem. Atqui juramentum hujus-*
 „ *modi est promissorium. Ergo.*

Omnia tibi concedo. Ecquid
 enim clarius, etiam sine tua argumenta-
 tione, quam Baunium hoc loco inquirere,
 peccet ne graviter is, qui se facturum juret
 aliquod leve peccatum? Et idcirco mirum
 non est si eos laudat, qui de juramento
pro-

promissorio loquuntur. At nihil proficis. Extrema verba negotium exhibent: Et possumus eam sequi sub consideratione, quod accipere Deum in testem mendacii levis non est tanta irreverentia, propter quam, velit, & possit damnare hominem. Nam ex te quaero, an quod ait hic Baunius: Accipere Deum in testem mendacii levis, intelligi velis de mendacio, quod dicitur, & jure jurando confirmatur, an de eo, quod quis se dicturum promitteret. Si primum: ergo loquitur de juramento assertorio, proindeque damnatam docuit propositionem. Sin alterum respondes; valde ineptam ob petitionem, ut ajunt, principii reddis ejus orationem. Esset enim hujusmodi. Possumus sequi opinionem, quae negat graviter eum peccare, qui se aliquod leve peccatum patraturum juraret, sub consideratione, quod non est grave peccatum, si quis in re levi se mentiturum juraret. Sive, ut significantius, quod volo, exponam, perinde est ac si diceret: Propterea non est grave peccatum id juramento promittere, quod est leve peccatum, quia grave peccatum non est, si quis jurejurando promittat, se obulum furaturum. Videre te

puto hoc esse vitiosum ratiocinandi genus; id enim affertur rationis loco, quod quaeritur in generali propositione. Non ita Baunius, qui ex eo, quod magnum crimen non esse putaret, si quis in re levi pejeraret, concludere voluit, ne illum quidem graviter peccaturum, qui se aliquid facturum juraret, quod esset leve peccatum. Vidit enim, quod res est, cum concesseris superius, etiam inferius esse concedendum.

Huc accedit, quod ab eo, qui se mentiturum jurat, non appellatur, ut ait hic Viva num. 10. „Deus testis ad testan-
 „dum falsum, quod graviter derogat
 „suæ summæ veracitati, sed solum in-
 „vocatur ad testandum verum, nempe
 „ad testandum, quod detur propositum
 „de patrandâ culpa veniali. „Atqui Baunius loquitur de eo, qui Deum appellet *testem mendacii levis*. Ergo loquitur de eo, qui mendaciam, quod dicit, jurejurando confirmat, non de eo, qui juret se mentiturum. Ita de Baunio ex tuo libello judicandum est. Nam *Summæ* Baunii editionem nullam indicas; eam autem, quæ ab Concina indicatur, videre non potui.

Dis.

XXX. Differis Cap. XLVI. & LXII. *De Baunio Tertium.*
 de eodem Baunio, de eadem re, eodem fe-
 re modo. Quare satis erit ea diluere, quae
 scribis eo Cap. LXII. Hic vendicatur, *in-*
quis, ab repetita impostura P. Baunius.
 „ Nam Concina Tom. 6. pag. 438. alte-
 „ ram, *ait*, Casuisticam opinionem, quam
 „ docent Baunius, Escobar, Bonacina,
 „ & Leander a SS. Sacramento, te videli-
 „ cet posse plures Missae partes simul au-
 „ dire a diversis Sacerdotibus, ab uno us-
 „ que ad consecrationem, ab altero us-
 „ que ad finem, & praecepto satisfacere,
 „ damnavit Alex. VII. (Innoc. XI. ut recte
 „ scriptum est Tom. 5. pag. 77.) *Satisfacit*
 „ *praecepto Ecclesiae de audiendo Sacro,*
 „ *qui duas ejus partes, imo quatuor simul a*
 „ *diversis celebrantibus audit.*

Hic ut imposturam invenias voculae
praxis, qua utuntur Casuistae, significa-
 tionem exponis. „ P. Baunius, *inquis*,
 „ non docet illam opinionem. Docere,
 „ enim opinionem aliquam significat apud
 „ omnes, illi adherere ut propriae, illam
 „ praeferre oppositae, illam putare, vel
 „ unice veram, vel saltem contraria pro-
 „ babiliorē. Porro Baunius nihil horum
 „ praestat, sed relata primo loco senten-
 „ tia

„ tia negante satisfieri praecepto per il-
 „ lam simultaneam auditionem , & secun-
 „ do loco sententia adfirmante , nunc da-
 „ mnata , ait : *Haec secunda sententia* ,
 „ *quamquam probabilis , tamen in praxi*
 „ *non est sequenda , sed prior* . Quibus ver-
 „ bis non modo non adhaeret illi opinio-
 „ ni , ut propriae , non modo illam non
 „ antepositae oppositae , non modo non re-
 „ putat opposita probabilior , sed op-
 „ positae longe postponit , sed reputat il-
 „ lam multo minus probabilem : siquidem
 „ neque illi concedit probabilitatem *pra-*
 „ *cticam* ; Probabilistae enim non prohi-
 „ bent sequi *in praxi* opiniones *practice*
 „ probabiles . Vide alia , quae ibi (Cap.
 „ XLVI.) dicta sunt .

Sunt horum similia . Sed scire ve-
 lim , quo tandem modo in una vocula *pra-*
xi tot significationes invenire potueris .
 Quando ergo Casuista , postquam aliquam
 opinionem probabilem esse pronuntiavit ,
 adjunxit , *in praxi non esse sequendam* , non
 amplius eam docet , non illi assentitur ,
 pene repudiat ? Impostura est , ceteris , qui
 eam docuerunt , hunc annumerare ? Non
 est hic locus Stephanis , Fabris , Ambro-
 siis , Nizoliis : adeamus Probabilistas , &

ex eis quid sibi velint, cum dicunt opinionem *in praxi non esse sequendam*, videamus. Duobus contentus ero, Tamburino, quem non dubito, quin magni facias, & Leandro a SS. Sacramen: o. Hic de hac ipsa quaestione differens Tract. 2. disp. 1. quaest. 56. postquam eam nonnullis rationibus confirmavit, „ Et ideo, *inquit*, illam „ tenent saltem ut probabilem Azorius „ 1. part. lib. 7. quaest. 7. Molfes. Tom. 1. „ Summ. tract. 3. cap. 17. num. 36. in fin. „ & Bauny Tract. 6. de Sacrif. Missae tit. „ de praecept. audiendi Missam quaest. 9. „ pag. 312. addentes tamen, & bene, in „ praxi consulendum esse oppositum, eo „ quod sit magis pietati consentaneum „ . Intellexitin, quid velint Casuistae, cum aliquam opinionem ajunt *in praxi non esse sequendam* ? Non eam se non docere, non falsam judicare, non adversari praecepto; sed esse pietati magis consentaneum, ut contrariam sequamur. Quo quid dici potest verius? An, etiamsi Casuistae non dicerent, quivis per se non intelligeret, majoris esse pietatis, probabiliorem sequi opinionem? Sed parum prodest, postquam opinionem hominum commodis, imbecillitati, libertatique accomodatam dixeris esse

esse probabilem , clamare , contrariam
 magis esse pietati consentaneam . Nam ex-
 periundo cognovimus , non ex eo , quod
 aliae aliis sint sanctiores , sed ex eo , quod
 sint commodiores proficisci , ut quaedam
 negligantur , & obsolescant , quaedam ad
 vitae consuetudinem facile traducantur .
 Et sane non operosius Casuistae , quam e
 suggestu sacri Oratores perfectiora quae-
 que Christianis inculcant ; & tamen
 quota quaeque horum pars , quod perfe-
 ctius est , factuque sanctius consecratur .
 Idcirco mihi placet hac in re Tamburi-
 nus . Nam ceteri Casuistae , qui negant
 aliquam opinionem , quam probabilem ju-
 dicarunt , *in praxi* esse sequendam , secum
 ipsi pugnare , sibi non constare viden-
 tur . Tamburinus sibi constat ; ait enim in
metodo expedit . Commun. edit. Roman.
 1648. in monitione ad Lectorem : „ Cum
 „ sententiam quampiam probabilem , seu ,
 „ quod idem est , non improbabilem in
 „ hoc , vel in aliis Opusculis meis appel-
 „ lo , illud dico , eam te sine peccati scru-
 „ pulo amplecti , *atque in praxi sequi tu-*
 „ *to posse* „ . Nunc edicito , Noceti ,
 utrum horum sequi malis . Nam si Tam-
 burinum : ergo Baunius , cum ait , eam
 opi-

opinionem *in praxi* non esse sequendam, id adjunxit, quod cum ejusdem probabilitate repugnat. Sin autem Leandrum probas: id sane adjunxit, quod erat superfluum, & illi impune tacere licuisset.

XXXI. Sed duo restant, quae ad Concinae defensionem magnopere conducunt. Non enim solus Baunius; sed etiam alii Casuistae, ut constat ex Leandro, hanc opinionem ita defendebant, ut dicerent *in praxi non esse sequendam*. Quod si perinde valet, ut dicis, ac *eam non docere*; aut damnata propositio nullius est Casuistae, aut imposturae reus erit Innocentius XI. qui hanc Casuistarum damnavit opinionem, quam illi *in praxi* sequendam esse, negabant.

Denique negare non potes, damnatam propositionem eam esse, quam Diana, Escobarius, & Leander defenderunt; quam si Baunius non defendit, cur tulistis, eum a Leandro laudari? Cur Jesuitis, qui censores fuerunt operum Leandri, & ea tantopere laudarunt, curae non fuit, ut Baunii nomen ex Catalogo eorum, qui eam propositionem defendebant, omnino expungeretur? Hic, Noceti, semper haerebis, & numquam poteris causam afferre,

re, cur veteres Casuistae tam multa tulerint impune, quae nunc in Auctore *Christianae Theologiae* imposturas appellas.

*De Bussem-
bau.*

XXXII. Dicendum modo est de Bussembau. Cap. XLIII. hunc Concinae locum describis ex Tom. 4. pag. 456. „ P. Claudius La-Croix lib. 3. part. 1. num. 916. „ ex Bussembau, & Taberna dicit: puellam „ non peccare, si ob evidens periculum „ mortis, vel ingentis infamiae non adhibeat omnia omnino media ad depellendum stupratorem; v. g. Si hunc, cum „ possit, non occidat, si non inclamet vicini- „ ciniam, sed mere patiaturo coitum, tamen secluso omni periculo consensus. „ Et licet hanc propositionem editis libris teneant auctores plus quam 50. „ tamen non expedit eam publice proponere, aut defendere, quia apta est causa- „ re abusus, praesertim apud rudes.

Et paulo post subdit:

„ Cornelius a Lapide linguarum peritia, eruditione, atque doctrina inter divinae scripturae interpretes valde „ conspicuus recensitae opinioni auctoritatem conciliavit.

Et

Et paulo infra .

„ Dico ergo , laudatam sententiam
 „ Cornelii a Lapide , aliorumque recen-
 „ tiorum falsam , improbabilem , & la-
 „ xam esse , atque cum sacra Scriptura
 „ manifeste pugnare .

His locis descriptis „ Hic habemus ,
 „ *inquis* , injustam criminationem adver-
 „ sus Busembau , & La-Croix ; & invi-
 „ diam injustissime conflatam Cornelio a
 „ Lapide . Busembau praefatam opinio-
 „ nem non propugnat , illam non tractat ,
 „ illam non attingit „ .

Non abnuo : Nam Concina legens indica-
 „ tum La-Croixii locum : „ Etiam est cer-
 „ tum , quod coitus cum non sua sit adul-
 „ terium . Nam Innocentius XI. damna-
 „ vit hanc 50. propo: *copula cum conjuga-*
 „ *ta consentiente Marito &c.* Et rationem
 „ dat Busembau num. 91 5. relatus. 3. Ta-
 „ berna part. 1. Tom. 1. cap. 3. §. 1. dicit :
 „ puellam non peccare si ob evidens peri-
 „ culum mortis &c. „ ; Hunc , inquam , lo-
 „ cum Concina legens non satis animadver-
 „ tit , quod apparet facile fuisse accidere ,
 „ Busembaum ad priorem , Tabernam ad
 „ posteriorem sententiam pertinere . Itaque
 „ satis tibi fiet sublato ex hoc Concinae lo-
 „ co

co Busembau. Numquid amplius vis? Scilicet, inquires: ut mihi concedas, Concinae iniuste criminatum esse Busembau. Qui possum hoc tibi concedere, quando tu ipse perspicillorum vitio errorem accidisse fateris? Nam Concinae suades, „ Ut „ perfectiora perspicilla compareret sibi, „ quando ipsi Auctores Societatis legendi sunt „. Neque enim hoc te irridendi causa dixisse puto, propterea quod facile cognosceres, non potuisse Concinae in mentem venire, ut postquam tam multa ex Casuistis collegerat, quae vere confutaret, quidquam uni, & alteri data, opera falso attribueret. Magni facio, Noceti, hoc argumentum, quod iterum nunc oppono, & saepe repetam, quando quidem scio apud plerosque Concinae fidem in tuto posuisse.

XXXIII. Itaque, misso Busembau, satis erit, quod opponis de Cornelio a Lapide, paucis diluere. Nullum hic objicis imposturae crimen, sed nimis avide a Concina arreptum fuisse doles hunc Cornelii errorem de puella, quam, si velit improbus stuprum inferre, negat pudicitiae tuendae causa clamare, & vociferari debere; additque Susannam, quae hoc injecto

jecto terrore , vociferata est , plus fecisse , quam officium , & amor pudicitiae postulasent . Sed quare Concina hunc errorem non arriperet , aut Cornelium a Lapide non nominaret ? Primum quod dicis , hunc Casuistam non esse , neque ita legentium manibus teri , ut eum refelli oporteret , leve est : quamvis enim Casuista non sit ; non jacet tamen situ , & squallore , legiturque omnino a quamplurimis , praesertim a Parochis , sacrisque Oratoribus , a quibus eo facilius potest error probari , quo gravior est auctor , a quo docetur . Deinde non nego Cornelium a Lapide , doctum hominem , imprimisque linguarum peritum fuisse ; sed nulli minus , quam tibi moleste ferendum erat , eum a Concina confutari , nisi forte tanti facis , ut eum omnibus antiquis Doctoribus velis anteponi . Mitto dicere de Augustino , & Thoma Aquinate , quos scriptis saepe apologiis adversus eorum criminatores , quos probe nosti , defendi oportuit . Hos , inquam , mitto , ut tecum de te uno loquar . Nam si licuit tibi , ut Sanchezium defenderes , putidissimum Ludovici Bail adversus omnes antiquos Doctores initio libelli tui describere convicium : *Ex omnibus antiquis*

Doctoribus feligendo ea solum, quae in ipsis infirmiora sunt, cento impurus, & odio habendus conficeretur; multo magis Concinae licuit unum Cornelii a Lapide errorem confutare. Et sane Concina reprehendi nullo modo potest, propterea quod Cornelius a Lapide revera in errore versatus est: at omnes antiquos Doctores ita de moribus scripsisse, ut erratis quibusque collectis, cento impurus, & odio dignus confici posset, calumnia est, (constanter dico, non enim tecum ago, sed cum Ludovico Bail homine inconsiderato), quae ferri non potest. Atque ego non dubito, quin, si tibi in mentem venisset Barbeiracii, qui ejusmodi centonem conficere conatus est, ab Ludovico Bail laudando tibi temperavisses. Simul enim atque hunc centonem, etsi valde invidiose a Barbeiracio confectum, cum eo contulisses, qui ex uno, & altero Casuista confici potest, facile intellexisses, nihile esse difficilius, quam, non dico ex singulis, sed ex universis antiquis Doctoribus tantum colligere falsae doctrinae, quantum in uno, vel duobus Casuistis reperitur. Nam si nomine antiquorum Doctorum non prisci Ecclesiae Patres, quos Barbeiracius vexavit, sed Principes

cipes Scholasticorum Thomas Aquinas, Bonaventura, Albertus Magnus, Scotus, Alexander Alensis, alique intelligendi sunt, cupio videre, an quisquam valeat ex his quoque centonem conficere similem ejus, quem dixi ex uno, & altero Casuista confici posse. Haec eas etiam intelligere velim, qui cum audiunt, Casuistas accusari, vel de iis abijciendis sermonem institui, continuo respondent, etiam Veteres errasse, neque propterea quemquam velle, ut abjiciantur. Proh Deum immortalem! Ecclesiae Patres, vel antiqui Doctores, cum de moribus scriberent, tam frequenter, tam turpiter, in rebus tam perspicuis errarunt, ac plerosque Casuistas errasse perspicimus? Fuit quisquam eorum, qui Deum ex.gr., aut semel, aut numquam in vita amandum esse diceret? Qui doceret *peccatum Philosophicum*, *mentis restrictiones*, *intentionis directionem*? Quid igitur, inquires, his faciendum putas? Non est aliud, quod facere possimus, nisi ut eos deferamus: alioquin periculum est, ne non homines, sed magis doctrinam amare videamur.

XXXIV. Sed redeo ad Cornelium a Lapide. Illud enim praeterea opponis,

eum a nullo Casuista ex iis, qui tuentur hanc opinionem, nominari; sed ejus errorem ex sinuosis voluminibus, in quibus latebat, erutum ab Henrico a S. Ignatio fuisse, & hoc duce, Concinam cognovisse. Non est mirum, Noceti, Cornelium a Lapide a nullo Casuista nominari. Scis enim huic Scriptorum generi non magnae curae fuisse, ut ipsi saepe professi sunt, quae Patres, aut divinae scripturae interpretes de moribus scripsissent, inquirere; & sui similes dumtaxat legere consueisse. At non erat Concinae eos imitari. Quid? Putas eum, uno lecto, & altero Casuista, nihil attigisse solidarum disciplinarum? Numquam Patres in manibus habuisse? Numquam divinam Scripturam, ejusque interpretes legisse, ut non posset sine Henrico a S. Ignatio, quae Cornelius a Lapide de Susanna scripserat, cognoscere? Sed haec omittamus, nam praestat illa proferre, quae magis ad eum defendendum, quam laudandum conducunt. In libro, quem scripsit contra spectacula, insignis est locus pag. 60. Cornelii a Lapide, quo probat, nec viro muliebri, nec mulieri virili veste uti licere. Est item in *Theol. Christiana* Tom. 2. pag. 273. alter ejusdem Cornelii insignis locus

locus, quo Concina demonstrat, non licere in Urbibus Christianorum esse cactus Meretricum. Nunc paucis te volo. Quo duce, tibi videtur Concina hos locos cognovisse? A quo Henrico hanc doctrinam, quae perinde ac error, quem supra indicavi, in sinuosis Cornelii voluminibus latebat, didicisse? Quo denique animo eam protulisse? Non expectabo dum mihi respondeas. Constat enim, eum ambitiosum usum esse Cornelii a Lapide auctoritate, ut eum sibi in difficilibus quaestionibus exponendis consentientem esse demonstraret, Lectoribusque persuaderet, se, quae bona essent, & rationi consentanea, ab omnibus indiscriminatim accepisse. Ejusmodi Scriptorem ab omni partium studio; & obrectandi libidine alienum esse qui negat, non video, quem tandem ab iis vitiis liberum esse judicabit. Nam ut eorum, quos laudaret, bona, aut probabilia dumtaxat proferret, errores, si qui essent, omnino praeteriret, non erat ab eo postulandum.

XXXV. Denique unum restat de Soto. Illud enim criminariis, quod Concina hunc Theologum, qui eandem, quam Cornelius a Lapide, a quo laudatur, opi-

nionem defendit , conetur excusare . Fa-
 teor , sed ita , ut nolit ab errore , nisi pos-
 sit, defensione sua liberum judicari . „ Ut
 „ minus igitur , *inquit* , Tom.4. pag.457.
 „ ambigua est Soti opinio . Quod si per-
 „ sistas , Theologum hunc favere doctri-
 „ nae Casuistarum; Esto: quid inde? Aeque
 „ Soti Dominicani , atque exterorum,
 „ auctorum propositum mihi est opinio-
 „ nes laxas refellere „ . Isto modo , No-
 ceti licebit tibi , cum voles , tuos defende-
 re . Nemo enim tibi succensebit , si , cum
 eo pervenire non poteris , ut certo statuas,
 auctorem , quem defendis , ab errore libe-
 rum esse , perinde , atq; a Concina factum est,
 contentionem abjicies , & liberum cuique
 relinques de re tota judicare . Quare su-
 persedere poteras longa disputatione , qua
 vinceret , Sotum in eadem opinione esse
 versatum . Id enim Concina ultro dedit ,
 quod ab eo multis verbis extorquere co-
 naris . At Cornelio a Lapide , inquis , non
 Soto in Indice haec opinio tribuitur . Fa-
 teor: sed quid illi facias , qui Indicem con-
 fecit ? Nolo nunc de eo sermonem habere .
 Quando tamen & hoc novo , & inaudito
 accusationis genere agendum putasti con-
 tra *Christianam Theologiam* , dicam etiam
 de

de Indicis confectore , sed tempore ; ostendamq; tibi, magis eum peccasse, quod plura praetermisit digna sane , quae notarentur , quam quod omnia , ut quereris , nimis invidiose in conspectum protulerit.

Illa etiam querela supersedendum, erat pag. tui libelli 102. „ Hoc est unum,
 „ & quidem frequentissimum ex multis
 „ artificiis , ob quae de P. Concina jure
 „ querimur . Plurimas sententias , quas
 „ ipse censuris , notis , conviciis dehonestat , aequae docuerunt Jesuitae , & Dominicani , imo a Dominicanis Magistris
 „ Jesuitae Discipuli didicerunt . Nihilominus , ut plurimum , in solos Jesuitas
 „ nominatim invehitur , in eos solum declamat , eos solum obiectat lectorum oculis ; atque , ut ita dicam , ad excipienda omnia tela primis in ordinibus
 „ locat . Suos vel nullo modo producit in aciem , vel post terga Jesuitarum protexit .

Quid ais , Noceti ? Jesuitae facti sunt Dominicanorum discipuli ? Nosti quae sint leges , quas imponunt Dominici discipulis suis : in his quae pertinent ad divinam gratiam , sequendos esse Augustinum , & Thomam Aquinatem :

deinde in Theologia Morali eundem Thomam nunquam dimitti oportere : pari diligentia Albertum Magnum , Raymundum , Antoninum legi posse ; sed Sotum , Gonetum , Medinam , Bannesium , Victoriam , & alios ita , ut ubi errarunt , facile relinquantur : numquam pro errore ne suorum quidem pugnandum : probabilissimum omnino vitandum . Ecquis igitur tuos Lessios , Sanchesios , Baunios , Gobatos coegit , ut si quid erat in Medina , vel in Bannesio falsum , aut minus rationi consentaneum , avide arriperent ? Casuistarum scilicet opera factum est , ut quod erat unius , vel alterius error , & nemini unquam nocuisset , multorum fieret opinio , & ope probabilissimi serperet ad eos , a quibus fuisset perpetuo ignoratum . Propterea Alexander VII. probabilistas eo nomine accusat , quod non solum novas opiniones invenerint , sed etiam antiquatas revocaverint : quae si relictæ fuissent in libris auctorum , ut tum primum , cum ab iis profectæ sunt , ab omnibus relictæ fuerunt , nullum periculum fuisset , ne aliquam perniciem afferrent ; ut nunquam antea attulerant , donec a novis Casuistis diligenter conquiritæ ,

sitae, & novis rationibus confirmatae, *probabiles* appellari coeperunt. Itaque, injuria postulas, ut, cum de aliqua hujusmodi opinione tractatur, secundum Dominicanos Jesuitae oppugnentur, propterea quod hi eorum fuerint discipuli. Nam illi ejusmodi suorum opiniones nunquam probarunt, libenterque obsolescere siverunt; & si de unaquaque Soti, Bannessii, Medinae quaerere volueris, invenies eam ad plures externos, quam Dominicanos manasse. Itaque haec opiniones non amplius Dominicanorum sunt. Quid ita? Quia quas quisque tuetur, & saepe monitus non exuit opiniones, is suas esse declarat: contra ejus dici non possunt, qui eas non probat, qui refellit, qui errores, non opiniones appellat.

XXXVI. Cum haec scribebam libri duo in manus meas pervenerunt, qui ad rem, qua de agimus, maxime pertinent. Unus est Epistolarum, quas recens vulgavit Eusebius Eranistes. In his nonnullae sunt, quae pertinent ad defensionem Dominicanorum, quos saepe in subsidium suarum opinionum a novis Casuistis accersitos fuisse constat, vel quibus eae, quae damnatae sunt, a Guimenio, Viva, & aliis fue-

fuerant attributae. Fac igitur, ut has legas Epistolas; nam spero fore, ut facile tibi persuadeas, non multas esse ejusmodi opiniones, quas a *Dominicanis magistris Jesuitae discipuli didicerunt*. Intelliges etiam, potuisse me Dominicanorum, qui a te quoque appellantur, defensionem omittere, quam quidem ab hoc viro diligentissimo, ut indicavi superiore Epistola pag. 36., susceptum iri considerem. Licet enim is Cardenam, Vivam, & Gagnam, imprimis confutet, te tamen ab istis, quae de Dominicanis scripsisti, accepisse fere non dubito.

Alter est liber tua illa *veritas vindicata* rursus Romae edita, cuique responso adjuncta est ad meam priorem Epistolam. In ea nihil offendi, quod nunc egeat responsione. In id incumbo, ut *veritatem vindicatam* Lucae editam, & magna diligentia, ut ex multorum ad me litteris intelligo, ubique disseminatam confutem. Haec Concinam malae fidei imposturaeque arguit, haec de *Christianae Theologiae* auctoritate detrahit; haec mihi, qui utrique malo occurrendum putavi, confutanda est; neque patiar, ut quisquam me respondendo, oppugnando, aut quae olim

olim scripsi , apud grammaticos criminando , a suscepto opere deducat . Postquam id perfecero , confutationes tuas expendam , & quid mihi erit opus facto considerabo . Unum tibi nunc praedico , ne in Epistolis meis , si deinceps respondendum putabis , pleraque dissimules , tibiue plaudas , me tibi non objicere , quae saepe & luculenter objicio . Gratularis enim tibi in praefatione confutationis , quod in prior Epistola mea , *ex tam multis auctorum locis , quae in tuo libro leguntur ne unum quidem indicarim , qui abs te sincerissime relatus non esset* . Haec sane lectoribus non probabis . Erunt enim permulti , qui lecta mea prior Epistola , facile perspicient , me pluribus locis , sed praesertim p.41. & 63. mihi non defuisse , quin , quae male abs te diminuteque descripta essent , indicarem . Iidem intelligent , te nimis propere tibi hac de re gratulatum esse , propterea quod non essent a me omnes ejusmodi loci , quos abs te corrupte relatos esse liqueret , in illa prior Epistola describendi ; sed , ut forte quisque occurreret , & cum de Auctore , ad quos pertinerent , ageretur , indicandi . Quod quidem in hac ipsa ,
quam

quam nunc ad te scribo , Epistola perfeci ,
tibi que , quae minus accurate retulisti ,
diligenter ob oculos posui .

Sed jam satis harum litterarum ma-
gnitudo crevit , in quibus , ut in iis ,
quas primo ad te misi , idcirco omnibus ,
quae opponeres , prolixè respondi , ne
deinceps , cum aliquid simile occurreret ,
occurreret autem saepe , necesse esset eadem
repetere : sed praesertim , ut intelligeres ,
non solum rectè , sed etiam copiose accu-
sationes tuas posse refelli ; nihilque abs
te , quod minus tibi , tuorumque cau-
sae conveniret , dici potuisse , quam quod
in extremo libello scripsisti . „ Ad hanc
„ vero opellam consueta diverticula ,
„ mordaces declamationes , scommata ,
„ ultrices satyras , quas ipse appellat
„ Plautinos Sales , *expecto* . Responsio-
„ nes ad rem ; responsiones nimirum , qui-
„ bus superiora capita percurrendo do-
„ ceat , quod nam sit , in quo modo plus , mo-
„ do minus a bona fide non defecerit , *non*
„ *expecto* . „ Nam evenit , ut quod expe-
ctabas , non habueris ; quod non expecta-
bas , inveneris . Declamationes enim , sa-
tyrae , scommata Concinae (ut tibi lo-
qui placet) consueta a me profecta non
sunt :

sunt : an autem responsa profecta sint , quibus Concinam semper usum esse bona fide , ac diligentia , teque in eo accusando lapsum esse , aperte demonstrarim , Lectorum erit judicium . Tu vero sic habeto : me , qui veritatis , & *Theologiae Christianae* tuendae causa scriptionem hanc susceperim , meque optima jam in caussa versari intelligam , ita & velle , & posse agere , ut neque injuriam tibi ullam faciam , neque obliviscar officii , & dignitatis meae . Vale .



ERRATA. CORRIGE.

Pag. 20. linea 23. pag.	pag. 211. Bibliothecae
311. Bibliothecae	
Pag. 57. lin. 8. Probabilissimi	Probabilissimi
Pag. 59. lin. 21. cumularis	cumulabis
Pag. 62. lin. 10. Tu ipse eorum sententiae	Tu ipse Concinae sententiae
Pag. 65. lin. 13. Salmaticensibus , Salonio , Sporerio	Salmaticensibus , Sporerio
In prima Epistola pag.	parvi referre existima-
91. lin. 21. parvi referre .	re .

MAG 200 AS6